


土岐文庫  
文庫17  
W82  
17





文庫 17  
W82  
17

吳孟舉同選  
自牧

# 宋詩鈔三集

錢吳氏  
古堂藏

昭和六十年二月一日  
土岐古堂氏寄

010185188430



## 宋詩鈔三集目錄

- 葉夢得 建康集
- 張九成 橫浦集
- 汪藻 浮溪集
- 范浚 香溪集
- 劉子翬 屏山集
- 朱喬年 韋齋集
- 朱松年 玉瀾集
- 程俱 北山集
- 吳儆 竹洲集
- 周必大 省齋集
- 朱熹 文公集

平園續集

宋詩鈔三集目錄



范成大

石湖集

陸游

劔南集

陳傅良

止齋集

楊萬里

江湖集

荆溪集

西歸集

南海集

朝天集

江西道院集

朝天續集

江東集

退休集

建康集鈔

四二

葉夢得字少蘊吳縣人紹聖四年進士自婺州教授召為編修官歷祠部郎起居郎翰林學士出知汝州提舉洞霄宮政和五年起知蔡州移帥穎昌府尋提舉南京鴻慶宮紹興初起為江東安撫大使兼知建康府移知福州上章請老仍提舉洞霄致仕而卒贈檢校少保夢得有總集百卷此集乃知建康時所作總集中之一集也建康是時值用兵契濶鋒鏑之中而吟咏蕭散固是詩人之致

赴建康過京口呈劉季高

客路重經黃鵠前故人仍得暫留連長鎗大劔笑安用白髮蒼顏空自憐照野已驚橫雉堞蔽江行見下樓船灞陵





醉尉無人識，設對雲峰說去年。

時季高再新城上月觀

送模歸卞山并示僧宗義為余守西巖者三首

自我離山間，忽已兩改月。飢人不忘食，未坐先已說。家僮挾書至，驚起慰愁絕。推尋到雞犬，問訊曲窮折。此生豈多為一窟，萬慮滅可能復。大錯更鑄八州鐵。江東領八州汝歸馬蹄輕，初不恨觸熱。慙慙報松竹，吾豈成久別。

端居探幽奇，自謂略已徧。昨登西山嶺，雄絕昔未見。溪湖莽吞吐，雲物紛百變。乃知十年閑，尚或遺勝踐。巢成輒棄去，我豈秋社燕。築南山絕頂亭垂成而來為我課僮僕，開闢盡二面。

莫言羊腸險徑小，煩屢轉杖藜。不用扶吾脚，猶爾健。

生長在山間，從公守蓬戶。人言膏粱子，粗免污桓袴。官居無多戀，暫止復遽去。家法恐未傳，此心良已素。義禪晚從

我似識此間，趣西巖鬱嶽。岑久斷俗子，路聊持山中節。為我主畱務，封陞際湖海。雲月皆所部。

建康舊俗貴重九上巳諸曹皆休務祀神登北山叅

議馬君獨不出，攜詩相過因言石林之勝次其韻。

倦飛歸鳥正息，還扣戶聊分半日閑。勝事漫同談栗理，佳翁休笑負龍山。簿書已老無餘力，香火朝真有舊班。他日尚期能過我，試窮千嶂共追攀。

西齋初成廡中舊有太湖石數十株因植之庭下

萬壑千巖不易求，壺中聊寄小瀛州。稍看碑兀雲峰出，便有檀欒桂樹幽。絕境自知難遽忘，奇蹤爭怪獨能畱。山翁已老猶兒戲，漫擬伸眉一散愁。

與晁激仲夜話



外家文采到諸郎  
凜凜辭鋒未可當  
伴我何辭共戎馬  
憐君聊欲濯糟漿  
激仲以池州  
三從余辟  
殘年落莫風塵際  
永夜從容燈燭光  
祇恐扁舟欲去病  
慵無意簿淮陽

次韻再答激仲

生涯久許捕魚郎  
鳧雁相追不亂行  
但近陶廬存菊徑  
不辭楚酒醉椒漿  
交情老柏寒方見  
妙語靈珠夜有光  
回首漸知歸路好  
已看梅柳動初陽

雨夜與模論中原  
旦起模與徐敦宗遊  
清涼覽觀形勢  
嘉其有志因以勉之

千年石頭城突兀  
真虎踞蒼茫劫火餘  
尚復畱故處大江  
轉洪濤騰踏不可御  
空城寂寞潮日暮  
獨東去登臨欲弔  
古俯視極千慮  
吾兒勇過我蓐食  
穿沮如謂言繼中原  
未暇論割據功名亦何人  
我老聊自恕它年報國心  
或可借前箸無爲笑頽然  
已飽安用飫

懷西山

西山十畝強高下  
略不齊嵌空抱奇秀  
上有凌雲梯架屋  
八九間茅簷敢辭低  
所欲而勢好老稚通  
扶攜密竹轉修徑  
老松故成蹊  
仲冬景氣肅碧草  
猶萋萋仰視天宇大  
四觀渺回溪徐行信足力  
未畏成顛躋周意各有適  
孰云無町畦平生幾濡首  
末路乃噬臍不作巢幕燕  
肯從觸藩羝胡爲濫磨鉞  
坐聽鳴鼓聳外物委蟲臂  
全生息馬啼可能三徑草  
歸路老更迷

山間每歲正月望  
夜梅花正開多與客  
飲花下今年郡解獨坐  
十四夜張暘叔晁激仲  
相過共話宣和



間事慨然歸不能寐因以寫懷

山頭野梅白玉花月明弄影紛橫斜青天無雲萬峰立下  
有三畝幽人家年年春歸不暇省但掃雪徑尋寒葩老夫  
已忘少年事燈火豈念更繁華一杯起步徧空谷破屋歸  
卧嗽朝霞陪都復來亦何有凜凜殺氣浮高牙重關深鎖  
夜漏永忽記昨夢翻長嗟景龍門前一月會金盃賜酒余  
雄誇神州陸沉近歸我漢節方議通沙天翻地覆那得  
料忍復更聽漁陽撾

蔡子因相過畱踰月

解作江山一月畱仲文儒雅更風流欲知爵躍心能喜正  
愛蟬連語不休築室君方論並舍子因約同居書上歸山我已辦  
扁舟交親四海今餘幾萬事傷心付白頭

徐敦濟書報嘗過余石林

繞澗新添數百竿故人書爲報平安似聞謾謾山風響正  
想陰陰夏箬寒老去不能窮蠹簡歸來便擬挂塵冠一杯  
且覓林間約莫枉山王廢舊歡

送沈傳耀

卞峰摩青空東望烏氏敦豈忘宿春糧終媿一欵門邂逅  
此相遇傾懷得徐論人言解牛刀要使當劇煩未悟清廟  
器朱絃列壘尊我衰百慮息但念三畝園王師肅西征萬  
馬先雲屯何力償賜履緬慙羨歸軒寄聲舴艋舟想見浮  
雁村清冷尚可釣無使雪水渾

偶書爲山亭二首

爲山亭下小噴岫只欠蕭蕭竹數竿但遣飛流時漱玉且



將歸息爲翁寬  
微風似與洗庭除石枕蠻藤不負予  
八尺方牀聊已足可  
須仍要讀殘書

次韻程伯禹贈宗室趙朝請

人物相望不並時使君水鑑有真知  
未論理窟傾三語只  
鬪詩壇自一奇擾擾干戈猶戰伐  
紛紛簿領更喧卑應須  
便作高軒過好德何人佐我儀

題晁公耄惠崇溪山

荒林翳宿莽脫木寒無煙不知三間茆  
中有幾醉眠山遠  
尚見雪江空欲吞天歸舟定何許  
滄波方渺然

觀化堂編校舊書

赫日真能永微風亦自涼故應便北戶  
何敢厭東墻汲水  
聊爲戲繙書却未忙平生閑與嬾  
併覺味兼長

翰墨他生業山林晚歲心那知身已老  
但覺意增深捉麈  
誰能話扶昂可細尋晚來庭鵲喜  
似恐有歸音

憶朱氏西澗

澗下流泉澗上松清陰盡處有層峰  
應知六月水壺外未  
許人間得暫逢

憶向中流置竹牀萬錢無處買清涼  
只今路斷無來客自  
撥新醅醉幾場

再任後遣模歸按視石林四首

巖石三年別君恩未許歸從誰  
尋草徑爲我欵荆扉舊繞  
山千疊新添竹一圍故人如見問  
端欲挂朝衣  
白髮萱堂上孩兒更共懷  
弄孫那得見將母竟難諧已絕



功名望猶疑出處垂此心終未穩何處復安排  
插架環千軸傳家有舊書展舒慙八案涼曝闕庭除破屋  
方懸溜殘編足蠹魚好須重檢校扁鎖莫令疎  
細路穿南嶺新松幾許長毋庸馳馬足祇擬轉羊腸更作  
高亭好初非亂石妨兩溪渾在眼似欲見帆檣

東園作草堂新成二首

官舍如何有草堂野人熟處自難忘池開月映千山迥檻  
靜風生六月涼幽徑也從穿別浦小舟還似過橫塘淡知  
幕府文書省盡付甘眠亦未妨

密覆荒茆已數重中開別戶更相容苦無公事妨人樂多  
有清閑借客慵南浦潮平分賸水堂前池與北山路近得

青松近栽北山怪翁歸意何能緩新築高臺見卧龍園中不見

山園續出作臺遂見蔣山

徐敦立相過

茆齋一曲傍寒灣邂逅終年伴我閑契闊易驚成歲月追  
尋空復對江山暫畱客枕聽疎雨時久旱方得雨遙想吾廬掩舊  
關落莫歸心誰與話坐談聊爲起衰顏

同敦立游蔣山謁寶公塔王荆公墓晚過草堂寺周

顒故宅也

我居在城府再至俄二年豈無山水心可奈簿領纏今晨  
偶乘興適此賓從賢零雨洗驕陽谷中聽流泉憑高快遠  
覽正見江浮天至人本無心與我常周旋誰云喚不磨汝  
意自不虔余自到鎮每兩賜祈寶公塔未嘗不應麥隴稍已滋橫水漲微連  
佳城倚華表拱木埋貂蟬暮過草堂寺借榻聊暫眠不復



聞怨鶴荒茆但連延歸路踐落日羣峰鬱相先回風送遠  
響虛里生晚煙吾廬悵何許東望良慨然

用前韻送敦立

畏作親友別况復非中年身如三眠蠶已老翻自纏榻來  
守江關從事寧獨賢經年兩大入燿火通甘泉石林豈壺  
中亦自有一天采薇敢言勤誰與歌勞旋上書苦祈哀傾  
寫志已虔坐懷北山巖未見西溪連人言搏風鵬不及翳  
葉蟬共攬攜手客可忘曲肱眠首鼠信禿翁胡爲尚遷延  
子來幸暖熟愧我一飯先清詩似鳴玉想見藍田煙索去  
何乃遽臨分重依然

爲山亭晚卧

瘦石聊吾伴遙山更爾瞻泉聲分寂歷草色借廉纖玉粒  
時能飽霜毛日更添平生疎懶意况與病相兼

戲方仁聲四絕句

戲弄扁舟泊宅村却尋三徑築茆敦雲邊此意真誰解賸  
作新詩與細論

水檻新開似浣花傍溪須更作浮槎祇應屢費王宏酒時  
要清樽對落霞

不惜囊錢信手空荒田却擬望年豐天公可是憐風月判  
遣詩人一劄窮

盧橘楊梅已及時我歸先自有前期平生不作宣明面浪  
愧將軍建鼓旗

仁聲舊居城東泊宅村張志和嘗所游也今徙西溪  
作雲茆菴因東岡爲小亭號茆敦欲傍溪開水檻



久無資會郡守有饋之酒五十壺不敢飲亟易之  
乃克成有田數十畝常苦下潦余居石林與雲茆  
南北正相望故及之云

橫浦詩鈔

四三

張九成字子韶開封人徙居錢塘從學于龜山紹興二  
年策進士直言者置高等九成遂擢首選授鎮東軍僉  
判歷至刑部侍郎秦檜和議不合謫邵州復以傾附趙  
鼎落職高宗特予宮觀先是徑山僧宗杲與善檜諷論  
其與宗杲訪訕謫南安軍十四年從學者稱橫浦先生  
每執書就明倚立庭磚歲久雙趺隱然寶慶初贈太師  
崇國公謚文忠九成于經學頗多訓解然習于異學故  
議論多偏詩亦多禪悅空悟習氣

癸亥初到嶺下寄汪聖錫

人物苦難得閉眼不敢看孤芳擢荒穢秀色出榛菅懷我  
同心友正在天一端文字妙入聖操履到所難美玉經三



煨真松過凝寒憐我竄庾嶺色慘顏不歡書來每慰薦苦  
語餘辛酸不上泰山頂安知天地寬相思暮烟起片月過  
前灘

### 食苦筍

吾鄉苦筍佳出處惟石屋玉肌膩新酥黃衣緣深綠林深  
恐人知頭角互出縮烟雨養春姿此物未成熟三月臘酒  
香開罇媚幽獨烹庖入盤俎點醬真味足未須五鼎牛聊  
稱一囊粟揭來庾嶺下歲月去何速經冬又七春未分窮  
途哭今朝好事者惠我生一束頭髮甲爛斑味惡韻麤俗  
兒童不慣嘗噦噫驚媪僕老妻念鄉味放箸淚盈日丈夫  
志有在何事校口腹呼奴更傾酒一笑風生谷

### 有客

春雨止復作閉門無與居童奴告予言有客叩吾廬束帶  
出見之頎然一丈夫手攜一尊酒辭氣何晏如謂言久聞  
名曾未瞻簪裾天寒宜飲酒一盃聊以娛盤飧亦草草蔬  
果間溪魚顏色溫勝玉言談貫如珠豈期有道者而來警  
我愚酒酣意兩適心閒樂有餘四海元有人君勿輕荒區

### 三月晦到大庾

我登超然臺積雨久不止臺下柳成行柳下滿塘水環塘  
率喬木照影弄清泚恍如在故鄉西湖古寺裏氣象極幽  
淡景物盡蒼翠十年勞夢想一夕居眼底獨坐不能去頽  
然起淡思鐘鳴主人歸燭光何燁燁笑語復移時夜久余  
當起歸路夫何如江聲寒玉碎

### 庚午正月七夜自詠



余性寡所諧平生惟自得談名頸溪縮論利面作赤文不  
貴雕蟲詩尤惡鈎擿龕豪真所畏機巧非予匹所以常閉  
門千載求知識黃卷有可人爲之忘寢食亦復愛山水策  
杖無與適看雲獨忘歸聽泉常永日內樂萬事休中虛衆  
妙入欲以語斯人此事吾無力道喪亦久矣無言三歎息

課書

汲汲我何事愛此牕日光北門終日開風透軒檻涼貧病  
何以療六經真古方榮辱頓爾失太山亦毫芒呼兒來讀  
書絃誦驚滿堂仕途有捷徑掩口笑我狂

辛未閏四月卽事

閒居喜無事冠櫛每晨興今朝鳩喚夢疑是大雨徵萬事  
雖顛沛此非常可憑須臾到江湖一掃蠻瘴腥雨罷有何

好環江數峰青蛟龍得時橫長堤豁然崩衰老甘寢寐半  
夜聞雷聲連岡萬株松漂零一毛輕雨意疑未已浮浮晚  
雲蒸咄哉造化兒徒勞竟何成

窮居不擇交賢否那復辨似人輒已喜况復曾半面相見  
且寒溫不問風雨變晚來無與遊澄江喜如練攜筇信步  
行屈曲隨山轉數日雨不止衝波頰激箭舊雨已不來今  
雨誰復見甕頭香滿屋吾計今已辦豈復思故鄉無事且  
彊飯

相馬須相骨探水須探源君如識此理知人若神仙可以  
千歲下坐照萬古前有時陰求人得意初無言如聞失一  
士每食不下咽人才何其渺求一於百千豈獨今世歟自  
古皆已然我欲授此法其誰可與傳



十九日雜興

不是南方熱愛此有永日人事斷經過蕭然空一室風驚  
牕外竹聲如清廟瑟西塘荷已花北戶棗亦實仕途非所  
長進寸輒退尺所以入市朝愁苦甘首疾謫來已九年底  
事無憂色山林興甚長湖海情何極

物理情不齊人生各有好所好儻不獲亦各騁奇巧淺者  
不及門深者入堂奧名利工欺人市朝徒膠膠所得無幾  
何舌焦唇亦燥其間狹劣者不售輒復躁亦有操金珠侯  
門致私禱莆萄得涼州所求輒復効祗痔或嘗糞車服夸  
新好吾唯戒妻奴酒熟宜予告

和施彥執懷姚進道葉先覺韻

西湖十里山春風一盃酒茲興良不淺何日落吾手我讀  
君和詩襟期一何厚同生上下宇共閱古今宙死生何足  
云餘年付美耐佩印還故鄉衣錦眩春晝一時正兒嬉千  
歲墮塵垢所以賢達人中懷元有守試看牕日中野馬互  
奔驟區區竟何成尚誇舌在口宿習猶未除新詩漫懷舊  
環顧天地間四海惟三友兩老雖未死二妙已先踣生者  
豈其巧死者亦非謬君如悟斯契萬事可懷袖銅錢自如  
山金印自如斗只今定何間腐骨久已朽籬菊師淵明庭  
草悲王冑彼已升層霄此猶鑿戶牖浩歌君其聆相看都  
皓首

子集弟寄江蟹

吾鄉十月間海錯賤如土尤思鹽白蟹滿殼紅初吐薦酒  
歛空尊侑飯饒如虎別來九年矣食物那可睹蠻煙瘴雨



中滋味更茶苦池魚腥徹骨江魚骨無數每食輒嘔噦無  
辭知罪罟新年庚運通此物登盤俎先以供祖先次以宴  
賓侶其餘及妻子咀嚼話江浦骨滓不敢擲念帶煙江雨  
手足義可量封寄無辭屢

讀東坡謫居三適輒次其韻

旦起理髮

憶昔叨從班入朝大明宮五更催上馬夢裏過萬松想見  
天竺山九重吟清風頭垢不暇梳爬搔常靡通今來幸閒  
放櫛比官忽忽清晨解條辮千梳復重重不羨列禦寇散  
髮搖風鬢氣舒兩目明頓與離朱同此樂豈易得快意適  
相逢再拜復再拜淡恩荷天公

午窗坐睡

年老目飛花心化柳生肘萬事元一夢古今復何有六月  
苦夜短午晝何其久頽然北窗下竹几休兩手昏昏不復  
知酣適如中酒睡鄉日月長椿靈未爲壽形存若蟬蛻質  
槁如木朽榮辱漫紛紛正夢那復受有夢尚有思無夢真  
無垢欲呼李太白醉眠成二叟

夜卧濯足

夏日乏絺葛冬來無衾裯况復竄炎荒令人生百憂空城  
舞狐狸深林鳴鶴鷓此邦無足戀聊爲薪水留枯枝煖寒  
泉大竈聲颼颼老盆深注湯徐以雙骹投沃久意痛快繫  
維今脫鞵須臾膏液上兩踝暖氣浮生平苦寒痺一洗皆  
已瘳登山不須扶跳梁逐狙猴

秋興



秋意入茅屋杖策登平原落日含西山一川頓明鮮蕭蕭  
江上竹濶濶巖下泉我生本開放胡爲此拘拳身世兩相  
違於今六十年勇退未爲怯銳進豈其賢

半夜驚夢回桐葉紛索索杖藜視天宇雨罷雲收脚清風  
拂襟裾片月墮籬落嗟我遊已倦悵此久淹泊豆畦今已  
花稻穠行可穫翻思黃卷中古人誰可作田園愛潛歸簞  
瓢識顏樂譬彼鷓鴣心平生叢薄

過報恩

籃輿訪蕭寺煙暝漲春空遠樹樓頭綠殘霞山外紅昏鐘  
發林杪人語殷橋東回首都無迹人生真夢中

三月晦城門晚景

雨漲春江浪云云日夜奔羣山落雲裏萬壑吼巖根沙際  
人呼渡煙中牧入村蕭然何處士終日拚柴門

題竹軒

聽說竹軒趣清幽盡此房春禽一聲杳夏簟五更涼落雪  
鳴寒玉啼螿泣古簧因君詩意到欲罷不能忘

二月二十四日卽事

春來尋勝事此興亦何窮夜雨亂江淥朝花退日紅雷聲  
驚嶺北雲氣漲溪東簑笠衝泥去誰知與我同

卽事

幽事晚山色幽齋春雨餘亂紅欲澗水浮綠漲郊墟北牖  
迸新筍西園生野蔬檉籬遶茅屋已分老樵漁

三月二十四日出城

數日雨不止今晨晴已還江頭看濁浪牕外見青山白鷺



投前浦輕舟漾遠灘樽中有餘酒一酌注顏顏

次施彥執韻

新詩宛見故人面思入江山氣象雄幾歲不堪青草瘴今朝還喜鯉魚風高秋木落雁為伴久雨江深吾欲東他日樽前如把臂莫驚我已白頭翁

客有談嘉祐間事者一客瞪目不應及聞介甫新事則心目開明殊可怪也聊作詩以紀之

吾道何衰只愴神六經文字變儀秦魏侯酷喜聽新樂中尉生來好殺人海鳥錯將金奏眩葉公元愛畫龍真不逢伯樂休驥首忽遇長沮莫問津

次單推韻


七載離家夢亦驚春來又是聽倉庚熟諳世味心如水忽見吾人眼尚明青鏡不堪看白髮長鏡何處覓黃精只息歸去西湖上飽喫東坡王糝羹

十二月初七日述懷

謫居寂寞歲將闌几案凝塵酒盞乾落落雨聲簷外過愔愔雪意座中寒孤飛隻影人誰念萬里長途心自安世事悠悠君莫問雪芽初碾試嘗看







十二月既小日

讀去西賦上與東地王

浮溪集鈔

四四

汪藻字彥章德興人入太學登進士歷江西提舉徽宗製君臣慶會閣詩藻所和羣臣莫及傳稱於時時胡伸亦以文名人為語曰江左二寶胡伸汪藻遷著作郎忤王黼與祠寓晉陵八年欽宗遷起居舍人高宗歷擢中書給事侍講直學士院一時詔令多出其手拜翰林學士以所御白團扇親書紫誥仍兼綰黃麻似六經十字以賜除龍圖閣奏纂三朝日曆進顯謨閣學士知徽州論落職居永州卒在晉陵時徐俯洪炎洪芻自負無所屈見藻詩於僧壁惜曰我輩人也詣舍上謁而去藻歎曰燃鬚琢句騷人墨客不平之鳴耳烏足尚哉詩高華有骨興寄淡遠有浮溪集六十卷失傳此選本文粹所



存也

桃源行

祖龍門外神傳壁方士猶言仙可得東行欲與美門親咫尺蓬萊滄海隔那知平地有青春只屬尋常避世人關中日月空萬古花下山川長一身中原別後無消息聞說塵因感昔誰教晉鼎判東西却愧秦城限南北人間萬事愈可憐此地當時亦偶然何事區區漢天子種桃辛苦望長年

過吳明叟新居

誰開大屋沉沉者門外垂楊拂車馬主人四十持節歸高卧綠陰啼鳥下冥冥一徑傍花入忽有青池照溪夏魚吹落日知鏡淨荷受微風看珠瀉夫君少有湖海氣欲駟馬鯨無地跨故將能事驚世人坐向雲端差萬瓦稍培幽桂出窻底時放青山來竹罇人言此興極不淺天遣公忙那肯赦要須更作輞川圖他日息歸聊對畫

同張昌時宿高明寺

幽卧不知覺窻懸寒日初矧伊夜來雨谿聲到吾廬故人挽我出忽在天際書躋險敢自休青山轉籃輿相逢竹間寺共擷園中蔬殘僧誰在亡奄忽十載餘茗果話疇昔新晴報鐘魚東雷亦已鳴百草茗穎舒奈何與之子齒髮日夜疎眷此不能發牽衣更踟躕明朝各回首世事將焉如

次高郵軍

小雨靜林麓鶉鴉相應鳴移舟漾清溪薄晚荷氣生歸鳥盡雙去潛魚時一驚菰蒲若無人渺渺炊煙橫艇子檝迎



我攜魚薦南烹月出殊未高疎林隱微明依沒會有處斗  
掛天邊城

阻風雨辟邪渡寄王仲成

渡頭急雨鳴森木木杪顛風飛大屋沒腰寒水稻生芽滿  
眼青泥車折軸山行值雨舟值風窮愁日日煩天公不如  
歸卧澗壑底世事不埽春煙空別君兩年重此別喜君曾  
次渾冰雪擬將身作賈胡留無奈事如空鳥滅挽我不回  
君怒嗔交情把玩轉清新相隨百里還相見只有西山似  
故人

避地函亭野步

今日幸無雨天空出遙岑行行不知疲遂至春江溽汲路  
轉籬落人家在桑陰平疇漲清波隴麥如人溪溝吠戲鳧  
鶯新蒲映浮沉我生本樵漁對此諸初心風物豈不好悲  
來自難任 塵暗中原四海如驚禽黃屋狩萬里兩宮隔  
辰參龍移螻螳窺月晦蟾蜍侵宇宙有傾覆茲游豈嘔噉  
銷憂賴濁醪太息誰能斟

庚午歲屏居零陵七月二十日以門揜候蟲秋爲韻

賦五首

幽人獨夜時潮落西川根渡口櫓聲急一江煙雨昏城頭  
短長更不寐聽譙門趺坐數千息焚香待朝暾  
暑退潦亦收瀟湘淨如染時觀自跳魚衝破青琬琰纖纖  
初弦月不受薄雲揜近村應漸寒已有鴉數點  
人生幾聰明日夜隙駒驟纔經花信風又過麥秋候吾非  
金石堅與世相邂逅胡爲聞鐘鳴更歷路傍堦



家山在何許渺渺彭蠡東人來數月程衣敝補道中昨宵  
青燈花似墜釵頭蟲兒飢女沉綿歲晚書未通

人言間濶者一日如三秋孤臣昔放逐七見天星周早濬  
高門地姓名記前旒如何天雞星不照湘南州

天星周一作寒暑周

次韻向君受感秋

且欲相隨苜蓿盤不須多問冰猴冠菊花有意浮杯酒桐  
葉無聲下井欄千里江山漁笛晚十年燈火客瓊寒男兒  
幾許功名事華髮催人不少寬

向侯拄笏意千里肯爲俗彈頭上冠何時盛之青瑣闥妙  
語付以烏絲欄日邊人去鴈行斷江上秋高楓葉寒向來  
叔度儻公是一見使我窮愁寬

晚發吳城山

風掃陽侯雪陣平雨催摩詰畫圖成氣吞浦溆重林盡秋  
著江湖去鳥明厚祿故人無一字長年三老伴餘生會須  
滿意開懷抱到眼廬山不世情

過臨平

一別九霄路風煙長滿衣已成身老大無復世輕肥天濶  
鳥雙下山寒人獨歸曉來何似雨春水半巖扉

睡起涼生岸鈎簾坐小窻麥風能起枕梅雨不鳴江往事  
心長折歸途影自雙依然蒲柳地人老故先降

書寧川驛壁

過眼空花一餉休坐狂猶得佐名州雖遭寵吏嗤韓子却  
喜溪神識柳侯盡日野田行穉種有時雲嶠聽鈎輅會將  
新濯滄浪足踏遍千巖萬壑秋



宿鄴侯鎮

當時踏月此長亭，髯似河堤柳色青。今日重來堤樹老，一簪華髮戴寒星。微涼初破候蟲秋，露草螢光已不流。搔首與誰論往事，星河無語下城頭。

龜山上方

度險逢幽處，憑誰寫壯懷。連甍棲絕壁，孤塔表長淮。地本吳楓接，山今禹績皆。潮聲從殿寺，竹影自翻階。木杪朱欄出，城坊雪浪埋。乾坤迷杳杳，霧雨泄陰崖。丹葉經寒在，蒼洲向晚佳。魚龍宵聽嘒，猿鳥晝窺齋。月滿蟾珠寶，霜清磬石諧。僧盂收柏子，樵徑埽松釵。左宦書無鴈，南烹菜有鮭。風煙欺短髮，雲水信殘骸。竟作何鄉老，虛慚素尚乖。江湖今在眼，歸合辦青鞋。

醉別李高侍郎

疇昔追隨翰墨場，功名今日愧劉郎。英姿合上凌煙閣，巧譜曾遭偃月堂。雙槩又乘清夜去，一樽聊發少年狂。歸來却共燈花語，騎省看成滿鏡霜。

漫興

晨起翛然曳杖行，一簾疎雨作秋清。老來歲月能多少，看得栽花結子成。燕子年年入戶飛，向人無是亦無非。來春強健還相見，送汝將雛又一歸。

北窻

睡起無一事，怡然盼庭柯。綠陰微缺處，最得南廳多。



已酉亂後寄常州使君姪

汾水遊仍遠，瑤池宴未歸。航遷新廟主，矢及近臣衣。馬  
窺天塹邊烽斷，日幾百年還。海地回首忽成非。

古鏡行

我有辟邪鏡，得之咸陽宮。其陰爲天池，一母將九龍。旁書  
負圖字，土蝕如旋蟲。緘以駮雞珍，妙極倕之工。請言照遠  
近，十里秋毫空。豈不鑿脂澤，所貴肝膽通。問誰爲此器，太  
古非人功。客間重歎息，意欲窺靈蹤。高臺不辭倚，恐客難  
稱容。繩窮匣半啓，四室來悲風。日車當晝留，羞澁如頑銅。  
森然髮上指，凜若臨霜鋒。我還撫客手，此豈世寶同。揮淚  
兩無言，掩鏡鞶囊中。

蔡天任韻

脩廊過午夕，陰合蝴蝶滿。庭春草長呼兒更，捲簾數尺要  
放晚晴升屋梁。



香溪集鈔

四五

范浚字茂明婺之蘭江人紹興中舉賢良方正昆弟多  
居廡仕竟以秦檜當國抗節不起隱於香溪因稱香溪  
先生著書明道多本於經學朱子取其心箴於孟子集  
註中錄是重於儒林金仁山謂其集近亡此本爲其從  
子元卿所輯而陳巖肖弁序者爲香溪集

雜興五首

雉驕有擅澤雞雄亦專栖乘人肆桀傲未異雉與雞虛張  
盡客氣不知墮危機雉驕或登俎雞雄亦爲犧嗟爾桀傲  
子不戒將安之

荆梟昔見惡去楚將巢吳妖音不知革吳豈荆人殊梟能  
戒頰舌勿復輕嗚呼雖荆亦容爾何必他邦居



高蟬蔭嘉木未省蟪蛄危勇蟲亦何愚不顧黃雀飢癡癡  
挾彈子已復露霑衣世事無不然古今同一悲  
鵲噪得歡喜鳥鳴得憎嗔鳥鵲自有口噪鳴何預人鳥飛  
聲啞啞鵲飛聲嘖嘖凡鳥從紛紛未用置肝鬲  
彭亨著冠猪踉蹌上車鶴皇家一清明此輩束高閣龍夔  
雜鷓鴣庶位已參錯少安真可待四海得耕鑿我亦幸豐  
年從容一丘壑

題八馬圖

何年畫工搦毛錐貌此八馬姿權奇青絲絡頭十二蹄調  
柔意態行愉怡五馬放浪無維羈或齧或望仍迴嘶一牧  
牽鞵一牧騎製度髣髴唐巾衣不知此馬生何時昔周穆  
王遠遊嬉駕跨八駿驅東西高升崑崙躡瑤池騶騶驥義  
勞飛馳日走萬里無停騑興元唐家危累碁百卷僅脫朱  
泚圍黃屋進狩懷光追八馬入谷七馬疲筋攣肉綻行人  
悲兩者資世皆顛羸虛名何有千載垂空得傳記流歌詩  
未知此馬閒猶夷牧堦不受鞭策威不踣險遠安無危泉  
甘草薦足自肥安用號駿稱雲騅嗟哉畫意誰能知

送春曲

春光春光勸汝一杯酒我能爲春作高歌未解春能聽歌  
否春歸有底急落盡桃花紅園溪漠漠野陰靜兔葵燕麥  
空搖風風光幾何時背我忽如客殘絲欲斷感春心語燕  
勞勞上簾額我有惜芳意一春憐物華春來雪裏索梅笑  
春去悵望飛楊花春歸知復來奈此斷年別搖楊三月暮  
天愁鷓鴣一聲芳草歌歌竟我亦醉一棹觥船空明年待



香溪集金  
二十  
春花樹下放歌擎酒相迎逢

同伯通端杲姪效盧仝體

一春癡癖門長扃兩耳不聞鶻鳩聲不知東南風掃盡紅  
紫英行行點檢桃李徑但見樹子青冥冥門前水流渠照  
灼須眉清科斗遊其間脚股各已生渠旁草鬱鬱草底蚯  
蚓鳴韻如抽繭絲幽咽得我聽念此瑣細物隨時變音形  
黃河赤鯉或點額老驥寒默長羈纓嗟嗟世路真難行

六笑

我笑支道林遠移買山書巢由古達士不聞買山居我笑  
賀知章欲乞鑑湖水嚴陵釣清江何曾問天子我笑陶靖  
節自祭真忘情胡爲托青島乃欲長年齡我笑王無功琴  
外無所欲當其戀五斗乃獨不知足我笑杜子美夙昔具  
扁舟老大意轉拙欲伴習池遊我笑韓退之不取萬乘相  
三黜竟不去觸事得讒謗客言莫謾笑古人笑人未必不  
受嗔螳螂襲蟬雀在後只恐有人還笑君迴頭生愧不能  
語嘲評去聲從今吞不吐譽堯非桀亦何爲訕周譏禹終無  
取

讀楊子雲傳

老不曉事楊子雲綴文譏訶堅逐貧班生曲筆甚假借謂  
不戚戚元非真草玄欲作後人計投閣自迷身不利王涯  
筮中好其書寧復逆知甘露事蠅聲紫色欺昏童義士遠  
引如冥鴻胡爲顛眩尚執戟美新屈首稱臣雄嶧山沃野  
蹲鴟大拓落不歸良已過近危竟似井眉瓶虛作反騷嗤  
楚此詭情懷祿遭嘲評但用筆墨垂聲名文章要亦千古



事久矣法言今正行

讀王建射虎行

我讀射虎行感慨興長歎官差射虎得虎難山下遠立常  
空還惜留猛虎著山裏射殺顧恐終身閒有如邊將圖偷  
安遵養時晦容其姦翻愁努力盡高鳥良弓挂壁無由彎  
君不見劉臣容高千里留賊自資媒富貴恐賊盡誅身不  
利坐令屈律裹頭人橫暴九州狂螫噬嗟嗟忠臣心不移  
受刀摩頸甘如飴紛紛血刃勇不顧一死未謝君王知官  
軍壯志吞  
不滅寧家爲相公誓欲平淮西慨言  
賊在歸無期霍公裴公今已矣我吟射虎徒歔歔

理喻

郵亭羈客寒無羶夜懷家山情惘然燈前坐感雨蕭瑟浩

歎達曉愁無眠鄰翁不出蓬茨裏聽雨聽風心似水黃昏  
鼻息已雷鳴往往簷喧不經耳愁霖一種聲紛紛鄰翁不  
聞羈客聞是中轉物有妙理起予暗契漆園旨

凌霄花

栽松待成陰種漆擬作器人皆笑艱拙往往後得利君看  
植凌霄百尺蔓柔翠新花鬱煌煌照日吐妍媚風霜忽搖  
落大木亦彫瘁視爾託根生枯莖無殘蒂先榮疾蕭瑟物  
理固難恃凌霄亟芳華衰歇亦容易

寄題鄭亨仲可友亭

鄭君坐交窮結柳窮不去無朋長獨立老大荒村住荒村  
掃人迹取友惟西山當應愛山標可望不可攀牽蘿架風  
亭截薛揖高調修簷入危碧阮眼坐相照嗟今輕薄子對



面生九疑寧如友真山貞質終無移憐君意超超愧我勞  
勿勿未共結交心漫負心脾骨

暮春病起絕句

老去長閒百不營推書習靜更真清西窓日脚籬篩動時  
有飛蟲撲紙聲

浦江華藏寺如勝上人欲募施者開田佐僧供以長

老皎公書來求予詩作二十韻奉勉

浮圖謝朋親屏跡藏岩幽多規脫徭賦豈必皆禪流自言  
佛遺經墾土爲愆尤不耕徒穀腹何異鼠雀偷告之勿浮  
食當須力鋤耰前修舉鋏事千載垂風猷奈何啞羊僧百  
語不領頭皎公老禪伯雅慕吾孔周其徒有如勝用意非  
常儔欲開千畦田更辦兩具牛率彼枯木衆躬耕食其秋

釋門有添丁乃翁坐無憂與國助耘耔疲疇庶其瘳此志  
良足嘉感之歎綢繆昔聞白黑衆十萬俱清修鳩金置千  
畝給供無時休于今豈無人勝也當尋求長途觸隆冬一  
衲寒颼颼朱門立雪久歡喜無生愁作詩勸勇往以俟歲  
晚收

三月廿六日夜同端臣端杲姪觀異書劾李長吉體  
楊花亂落青春暮燕拂簾旌傍人語縹壺買酒洗春愁迴  
風落日簷花舞赫蹠斷爛千載書青燈照字驚蟬魚冬烘  
老生時自哂安用盤盂學田蚡

狂泉

昔有大荒國水以狂泉名國人皆飲泉狂顛率無寧一者  
自穿汲乃獨能常醒國人既皆狂反見不狂驚顧謂不狂



人無乃鬼物憑不然是狂疾救療當痊輕施針灼炷艾膚  
肉無全平而彼不狂者被虐楚不勝賁然走泉所酌飲不  
敢停既飲卽亦狂萬慮皆迷冥其狂與衆一衆始歡相傾  
世事今亦然嗟哉感詩鳴安得跨鵬背獨往遊天溟寄謝  
彼狂子酌泉吾不能

次韻茂永兄首夏新晴

燕落雨知節鳩鳴天欲晴行雲飛斷碧斜日漏微明筍上  
竹三徑苗肥田一成野人知得飽索酒坐班荆

頌茂安兄秀野亭

山作屏風雲作籬岿亭子俯漣漪絕知此地風光好直  
爲主人心跡奇側塞亂花紅被徑檀欒高竹翠緣陂惠連  
自喜陪幽賞判却歸時倒接離

歲暮喜晴

晴山喜見曉噴岍笑出蓬門不暇冠風掃斷雲齊萬弩日  
融殘雪上三竿早黃楊柳漏春信晚翠枇杷凌歲寒從此  
林芳入幽賞凍醪新壓味甘酸

課畦丁灌園

連筒隔竹度流泉約束畦丁灌小園拔薤自須還種白刈  
葵輒莫苦傷根瓜疇准擬狸頭大草徑隄防馬齒繁努力  
荷鋤當給酒無令菜把乏朝昏

春雪晚晴出西村

步履尋春犯雪泥村南村北鶉鳩啼墮梅殘白猶明樹着  
柳暗黃初映堤風景快晴雲擘絮江天未暮日懸規最憐  
碧漲侵沙尾更傍橫橋一杖藜



送周西美主簿之任祁門

君向祁山去修程幾日期  
江天梅子雨驛路橘花時  
知迥循陔養寧辭糾邑  
甲美才無不適鸞翮豈棲遲

次韻端臣姪七夕

萬古東西隔女牛  
停梭期會豈悠悠  
蝦蟇輪破青天暮  
烏鵲橋橫碧漢秋  
莫放癡兒懽徹曙  
且容老子強登樓  
舉瓢更取天漿酌  
一洗胸中萬斛愁

張生夜載酒相過

夜卷一鈎簾  
衣寒覺露霑  
未驚風割面  
且看月磨鎌  
玉椀鵝兒酒  
花凝虎子鹽  
張公雞黍舊  
歡笑了無嫌

屏山集鈔

四六

劉子翬字彥沖以父幹任授承務郎辟幕屬幹死靖康之難子翬痛憤哀毀服除通判興化軍事以羸疾丐祠歸隱屏山學者稱屏山先生而自號病翁與籍溪胡原仲白水劉致中爲道義交所學深遠朱子受遺命往遊其門子翬告以易不遠復三言俾佩之終身一日感微疾卽謁廟訣別家人與朱子言入道次第而歿詩與曾茶山韓子蒼呂居仁相往還故所請殊高五言幽淡卓鍊及陶謝之勝而無康樂繁縟細澁之態則以其用經學不同所得之理異也

涼月

涼月未出山浮雲半空  
白徘徊步軒窓宛若待佳客  
經林



漏飛輝映淑生華澤及茲秋景清吾廬更幽寂殊觀發秘  
藏妙聽生寥閭營營息初機炯炯懷新得豈無平生心所  
樂已非昔天旋河漢動夜久鄰機息嗚嗚感庭蘭歲莫霜  
霰集呼兒溫濁醪獨酌醉永夕

渡淮

鳴輦渡長淮霏煙散清晨皎皎初日光照耀草木新橫林  
渡餘碧疊嶂開嶙峋移檣失向背煙波浩無垠兒童相櫂  
歌余心亦欣欣輕帆互相踰畫鷁映流津徘徊望洲渚悠  
然獨懷人樵漁有棲遯寂寞誰問鄰暮風翻洪濤魚蝦亦  
有神四顧天地黑孤舟恐漂淪

阻風

晚歲多悲風江湖浪崢嶸扁舟渺無依日暮猶孤征重岡  
擁滯霧迴隰飄浮雲繫舟古岸邊纜斷舟復橫天寒鴻雁  
稀滯留知旅情頽崖震林谷客子心夜驚披衣待清曉缺  
月西南明遠遊多所懷益遣歸思盈

建康六感

吳

龍翔大耳兒虎視捉刀人風雲競追逐逸軌誰能遵大皇  
負英材沈潛歛求伸一呼定南國再戰威強鄰坑魏既搖  
岳攘劉亦披鱗組練繞平隰鱗鱗蔽通津偉哉人物盛成  
功豈無因代祀已飄忽風流久彌新亭撓眇迴陸裂蔓登  
層闕卧龍昔來遊萬古懷清塵

晉

日晏無全照南遷事倉忙龍謠方協瑞星禍已告亡凌遲



百年運稟稟危莫將向來問鼎人項背常相望環宮白羽  
列面闕鳴弦張膺圖未躋泰卜世豈在長獨憐短轅公推  
刃殺忠良百身嗟莫贖一慟羞成蒼時移事亦更為宋復  
為梁惟有采石潮年年到前岡

宋

寄奴真偉人落拓龍潛地據筵呼五木已有吞世氣世期  
值陽九天綱日淪替偏邦或跨州卑號猶稱帝匪乘艱棘  
運英姿疇能濟南戡奠番禹西狩澄涇渭功雖與世隆道  
亦因人廢緬懷揖讓風黃屋身如寄頽波日奔迫夜壑遷  
神器巢由獨賢哉高蹤邈難繼

齊

堯宮不剪茨禹室無崇壤巍巍天步隆萬代猶可仰荒哉  
二三君經營務華傲落梯滿清江飛斤殷遙響疏淵引瀾  
澳築圃遷林莽筋力斃民軀貲財傾國帑雄心獨木倦矯  
首生遐想時徂陵谷變無事猶悲曩殷憂易與懷逸樂難  
終享過客問青樓荒哇棘一作花長

梁

開圖屬英睿失國由昏悞斯人異前修撥亂旋致亂輕刑  
下益肆厚爵臣彌叛聰明馳萬機精苦徒宵旰鳳冕敬方  
袍鸞旗游彼岸悠然弃從懷臨機復難斷那知千佛力不  
紓一寇難酒色覆商周神仙蕩秦漢趨亡固多軌荒迷卒  
同貫微聖常鮮終撫冊三慨嘆

陳

悲風嘯荒垣歌斷庭花曲璧月夜沉輝瓊樹春銷馥郊圻



遊從盛想像猶經目麗景明新妝清波映鮮服承恩屬令  
姿被選皆華族朝從結綺遊暮向臨春宿意高時忽謝步  
遠塗方促榮華事不長哀樂情難足悠悠六朝事轉盼風  
驚燭永懷興亡端斯文慚麗綺

夜飲

良宵樂未央促席團欒坐佳人意慙懃唱歌屬余和幽期  
貴濶略醉語多叢脞沉沉玉卮酒量淺難負荷豈不懷極  
懽恐重賓友過褰帷望明河山月銜半破回軒互追奔傘  
拂簷瓦墮

遊朱劬家園

晨暉麗丹楹翼翼侔帝居向來堂上人零落煙海隅聯翩  
際時會振迹皆刑餘閨帷尚帝主阜隸乘軒車流威被東  
南生殺在指呼樓船載花石里巷無袴襦至今江左地風  
雲亦嗟吁叨榮已過量受禍如償逋荒涼當門路尚想冠  
蓋趨客舸維岸柳隣人曾池魚徘徊極幽觀曲折迷歸途  
夜月扃綺戶春風散羅裾繁華能幾時喪亂實感予曹鄴  
子何譏此曹真人奴

早行

村鷄已報晨曉月漸無色行人馬上去殘燈照空驛

老農

山前有老農給我薪水役得錢徑沽酒醉卧山日夕忘形  
與之語妙理時見益志士多隱淪欲學慚未識

種菜

傍舍植柔蔬攜鋤理荒穢桔槔勤俯仰一雨功百倍朝來



綠映土新葉搖肺肺牛羊勿踐畦肉食屠爾輩

晨興

晨興訪蕭寺爽氣清如沐坐看雨離山飛陰斷平陸歸途  
阻夕漲竚立驚幽獨曳杖聽殘鐘卻寄僧坊宿

下灘作

青山鎖連環白澗走鳴瀨迷津毫髮間舟與危石會回澗  
聚浮沫斷壁餘澎湃玩奇心若驚覽鏡自不逮悠然一回  
首孤驛已茫昧停橈念經歷履地猶旋慣悲風嘯枯林暮  
野雲相益隔船聞和歌沾酒慰疲怠

棄竹夫人

愛憎情易遷感物息鬱紆念昔未棄拍嘗侍君子居煩襟  
一披豁雅抱何清虛蹉跎怨時暮涼德竟見疎飛霜皓中  
庭枵然委牆隅的皜珠幃淡熒煌錦茵鋪豈不懷舊恩君  
心已非初當年紈扇謠抱恨同區區

秋懷

哲人嘆逝川志士悲廩秋流光不暫停忽忽歲欲周涼颼  
襲迥野飛霜皓盈疇華林失鮮輝奔谿殺湍流萬化儻日  
徂吾生難獨留而我若不樂彷徨復何求世途多軌轍今  
行非昔謀徒遵耿耿意齟齬固莫投時乎不再來豈余敢  
懷尤王道炳日星歷聘疲軻丘歸歟既改旆浩然亦回輶  
寂寞甯子歌棲遲長卿遊客嘲徒自解天問終不酬長揖  
未免烹說難竟遭囚行藏或大謬聖賢其悠悠含息疚恒  
積念往川途脩煌煌青春姿蹉跎恐茲由諒非宏達觀那  
能齊百憂



四不忍

草邊飛騎如煙滅，拉獸摧斑食其血。此時疾首念鑿與玉，體能勝飢渴無危城。屑翹驚雲擾篋篋，無光天座杳奮戈。儻未雪滾讐我食，雖甘何忍飽。

黃河鑿鑿冰成路，人語寒空氣成霧。此時泣血念鑿與玉，體能勝凜冽無蒼皇。天步蒙塵去畫袞，飄零傷歲暮飛書。儻未伐姦謀我服，雖華何忍御。

平沙月轉旌旗影，擐甲爲衾戈作枕。此時飲恨念鑿與玉，體能勝暴露無問安使者。空相繼清蹕不回宮，殿閉請纓。儻未縛渠我榻，雖安何忍寐。

漁陽叠鼓風沙戰，潑水淋漓舞胡旋。此時太息念鑿與玉，體能勝寂寞無六宮。遭亂多奔迸不復梨園歌舞盛，著鞭儻未蹂龍庭我瑟，雖調何忍聽。

望京謠

雙鑿北狩淹歸轂，寂寞梁園春草綠。猶傳故老守孤城，官軍不到黃河曲。連雲樓櫓已灰燼，更倚窓扉防箭鏃。招兵大半出羣盜，綉褊蒙衣屢翻覆。前宗後社力誅鉏，白刃如霜挂人肉。州橋燈火夜無光，夾道狐狸晝相逐。往時汴泗絕行舟，市糶十千塵滿斛。衣冠避多在南，馬却食江南粟。謀臣武士力俱困，海角飄搖轉黃屋。盤庚五遷方擇利，昆陽一戰何當卜。寧聞亂中華漢祚，承天終必復。夕烽明處望千門，孤臣祇欲吞聲哭。

臨池歌

劉致息倦遊復卧，故廬有意學書來。求石刻因慨然念



昔經行秦洛趙魏間未嘗不回驂駐軫搜訪古迹故宮  
遺址豐碑斷碣歷歷相望也吹埃剔蘚考年代之所志  
訂古驗今識興衰之所自至乃壞壠荒榛微陽霧雨雖  
暴露霑沐僮僕色難而余躊躇不忍去也奇蹤偉筆多  
致墨本甚者缺裂模糊不可辨了亦皆摸脫以歸登登  
之聲殷乎山谷 歸所獲車載牛負不可勝計喪亂以  
來汎掃焚 何止七厄哉今披篋視之十得一二有副  
本者 以與致息致息明爽嘗留心字學運筆流快風  
動草偃固足以軒輊流輩然未能窺古人藩域者功虧  
一簣耳夫洞石什木非蹶張挽強者所能用志不分乃  
凝於神梓慶削鐻疴癘承蜩皆此道也致息充是而學  
焉余不知其所至矣因作臨池歌以堅其志切切德德

亦朋友之義也

君不見鍾繇學書夜不眠以指畫字衣皆穿當時尺牘來  
鄴下錦標玉軸爭流傳又不見魯公得法屋漏雨意象咄  
咄凌千古斷碑零落翠苔封直氣英風猶可觀元常獨步  
黃初際清臣後出今無繼風神迥處一作出本天資巧力亦  
自精勤至羨君好尚何高奇寒窗弄筆手生胝向來失計  
墮塵網銳氣直欲摩雲飛男兒舌在心何忤卻擬臨池尋  
舊學要須筆外見鍾顏會自蛟龍生掌握銀鈎石刻余何  
愛勸以短歌君勿怠他時八體妙有餘此歌儻可君紳書

和李吳伯春懷

山寒古寺清斷續春朝雨遙憐遠客情寂寞誰晤語平生  
氣軒昂失意今易與有酒卽佳晨無兵皆樂土微吟對節



物林靜幽花吐悠悠念鄉邑耿耿悲豺虎知有濟時才從  
橫在談塵功名恐未遲老翮期更舉

明皇九馬圖

書生兀兀園不窺見馬豈辨騮與騅開圖九駿立突兀摸  
擦知是真龍兒奔雷蹴踏原野動曳練慘錯風沙隨華纓  
金絡豈不好矯首奮迅那容羈吾聞取驥如擇士競愛安  
帖驚權奇士懷倜儻衆論斥馬有顛顛羣鴛欺六閑豢養  
固恩厚橫氣摧折常鳴悲丹青儻不逢妙手萬世豈識真  
龍姿因思中原政格鬪鐵騎倏忽銀山移著鞭安得致此  
物掩畫四顧徒歎歎

怨女曲

空原悲風吹苜蓿

飲馬桑乾曲誰家女子在羶城鳴

鳴夜看星河哭黃金爲閨王爲宇平生不出入稀覩父憐  
母惜呼小名擇對華門未輕許干戈漂蕩身如寄綠鬢朱  
顏反爲累朝從獵騎草邊遊暮逐王沙上醉西鄰小姑  
亦被貧賤思家心更苦身只有嫁時衣生死同爲泉  
下土出門有路歸無期不歸長愁歸亦悲女身軟弱難自  
主壯士從姑不如女

巡寨偶書

窮寇轉趨海吾邦備宜先連年戍役頻徵兵及漁佃扶戈  
或稚齒嬰冑仍華顛未知戎伍肅朱旗亂長阡林端晚燧  
發石際飛梯懸崎嶇樵牧地萬竈生浮烟我行視營柵兒  
戲端可憐倚茲形勢險寇至常遷延羣兇昔吾軍赤指扞  
鳴弦防屢瓦解合寇俄星連猶多燕趙兒意氣非當年



駢車載珍寶結騎馳嬋娟時危天稔亂事豈汝能專怒風  
飛驚濤河梁失歸船四顧天地黑攬衣息茫然

負暄

宵寒卧增裯晝寒起增衣何如負暄樂高堂日暉暉引光  
扉盡闢追影榻屢移妙趣久乃酣瞑目潛自知初如擁紅  
爐凍粟消頑肌漸如飲醇醪暖力中融怡欠伸百骸舒爬  
搔隨意爲稍回騎佚氣頓改酸寒姿薰然沐慈仁天恩豈  
余私願披橫空雲四海同熙熙矯首望扶桑傾心效園葵

木犀古風

化工吝幽香斑斑被花木氤氳寒巖桂高韻蓋羣馥無人  
盡日芳守志何幽獨士介耻求知女貞慙自鬻淒涼楚山  
秋糝枝吐金粟淺水映輕明微颺發含蕾樓端靜忽聞馬  
上遙相逐踟躕爲延佇但見林巒綠餅罌誰折贈清芬闕  
廬屋久處不自知乍至彌鬱郁客悲芳歲暮夢遶寒溪曲  
長吟小山詞古意恐難復

食蠓房

蠓房生海壖堅頑宛如石其中儲可欲雖固必生隙嵌巖  
各包藏礮礮相附積中逢霹靂手妙若啓扇鑄鑽灼諒難  
堪曷不吐餘瀝南庖富腥盤豈惟此稱特吞航大絕倫梯  
巒萬夫食針鱗九牛毛小嚼逾千百光螺暈紫斑蠶膏湛  
金色水母脆鳴牙章舉懸疣密烏黏力排冪貼石不可索  
妾魚戲浮波媚鮪雌雄匹蟹藻輒橫鸞縮常畏出車螯  
不服箱馬鮫非駿迹江瑤貴一柱嗟豈棟梁質骨柔競愛  
饒多鯁鱗乃斥蚶虹鮭赤文肉黑魚之賊鱈鱈鯉鯉鰻



鮪鯨魴鯽鱗庸而劍小瑣冗難盡述包涵知海量長養荷  
天德貪生族類繁失地波濤窄網罟人創禍甘鮮已爲厄  
紛然均可口流品當剔白微物倘見知指軀不足惜

諭俗十二首

故園喪亂餘歸來復何有鄰人雖喜在憂悴成老叟爲言  
寇來時白刃穿田畝驚忙不知路夜踏人屍走屋廬成飛  
煙囊橐無暇取匹夫快恩讐王法誰爲守艱難歷冬夏遷  
徙徧林藪深虞邏寇知兒啼扼其口樹皮爲衣裳樹根作  
糧糗還家生理盡黑瘦面如狗語翁翁勿悲禍福較長久  
東家紅巾郎長大好身首荒荒死戰場頭白骨先朽  
西村人漸歸撐拄燒殘屋東村但蒿萊死者無人哭昔茲  
號富穰被禍尤殘酷二三里中豪喪亂身爲僇遺骸悵莫

掩飢鳶啄其腹豈無平生時意氣凌鄉曲錐刀剝微利舞  
智欺溥獨錦囊收地券奕葉相傳續只今鄰叟耕歲歲輸  
官穀爾曹何顛愚人生固多欲

何州無戰爭閩粵禍未銷或言殺子因厲氣由此招蠻陬  
地瘠狹世業患不饒生女奩分貲生男野分苗往往衣冠  
門繼嗣無鬢髮前知飲啄定妄以人力僥三綱旣自絕餘  
澤豈更遙王化久淘漉刑章亦昭昭那無舐犢慈恩勤愧  
鴟鴞冤報且勿論茲義古所標

愚氓擾潢池難難亦常態簪紳有包藏事異吁可怪豺聲  
久伺亂鯨戮終何悔游言張兇焰巧謀移機會初如卵殼  
微跣踐悉糜碎養成羽翮雄飛掣繯繩外翦鉏淹歲月螫  
毒彌疆界向來詰端由罪白不容蓋南冠囚載路東市誅



其最隆寬俗與新僥倖汝勿再

野人厭羹藜家有庖丁刀徒誇批導手官念耕稼勞隱然  
肉山雄喪彼尺箠操春泥卧寒野夜月犁東臯辛勤力已  
盡穀蘇禍豈逃誰無惻隱心鮮能勝貪饕蓋惟猶示恩况  
異犬馬曹

扇馬嚴內仗貂璫侍宸闈哀哉里閭間刁闖逮雞豚放麋  
識忠蓋母卵著格言矧利肥甘軀絕其孳息源難銷愛欲  
心物物天性存逆情氣必戾順化生乃蕃誰開口腹謀無  
乃傷仁恩

粵人多悍驕風聲亦惟舊兒童僅勝衣挾箠相格鬪藝精  
氣益橫質化心忘陋家饒喜稱俠世亂甘爲寇豈伊天性  
然習俗所成就吾聞互鄉童翱翔聖賢間隱豹美爛斑攻  
駒發馳驟佩觿爾何知義方得無謬

村南井欲乾曉汲盈瓢濁飲濁不足言奈此田畝涸咿啞  
龍骨響煥爛陽鳥虐良農無他營辛苦事東作春苗何惹  
芋秋刈何稀薄我雖食有餘念彼心不樂乞靈走羣祀晚  
雷明霍霍屯膏竟未施天意自難度

震雷霹枯松頑龍失其據浮雲三日雨盈畝復地注商羊  
舞未休旱魃消何遽稍寬人心切仰荷天恩布稻畦裏連  
顛按穗給朝飫菜畦擢新萌蕩滌死羣蟲歲儉民怨咨時  
豐家悅豫青青寒莠色亦復貪雨露

茲鄉山水佳昔乃爲盜窟吾廬已煨燼荒草牆兀兀牆東  
大梨樹惟此爲舊物火燒枝葉盡老本更奇崛衆鳥罷高  
棲空庭失清樾鄰兒利薪爨往往肆伐豈知昂霄勢長



養自毫末寒堤孤碓在廢圃鳴泉出衝茅且經營霜霰莫  
倉猝

未須葺吾廬且復修吾倉求安當卜居求飽當聚糧營生  
力有限先此計頗長去年稻盈畦避寇不得將新芽雨後  
白卧穗霜中黃鰈憚有飢色寇釁餘稻梁解衣易升斗糠  
粃隨風揚休嗟昔艱難喜茲歲豐穰鄰翁爲人耕貯粟不  
盈箱溪頭廩與困纒纒已相望

縣牆挂德音盡弛今年租旄倪發懽謠助達和氣舒皇恩  
施甚厚疲瘵望少蘇吁嗟吏舞文詔紙墨未渝借貸盡白  
著勾稽窮宿逋培克儻歸公民貧猶樂輸量權微倍耗資  
緣竊其餘寧逢盜剽攘厭聞吏追呼盜姦久必戢吏姦無  
由鉏雷霆不言威肉食忍自誣故態勿狃習窮閭勿侵漁  
勿謂天聽高勿謂黔首愚

清江行

漁翁一棹老清波稚子學語能漁歌日暮沙頭寒熱竹雨  
餘船角亂堆蓑鬻殘小鮮仍自鱸湖海茫茫醉鄉內夜闌  
酒渴漱寒流月照蘆花上蓬背

聽詹溫之彈琴歌

鳴琴藝精非小道可惜溫之今已老玲琅一鼓萬象春鐵  
面霜髯不枯槁自言寡知音求我爲作歌號宮韻角可聽  
不可狀錦腸綉舌空吟哦吾意其一氣之濁清兩曜之晦  
明山河之結融雷霆風雨之震驚包羅具七絃開闢造化  
由人心又疑夫堯禹之躬行丘軻之立言瞿聃之同歸百  
家諸子之紛然更歷千萬古此意不滅絲桐間滌除浮慮



清蕩摩愁襟開琴之氣象廣莫有如此欲媚俗耳知難哉  
寒缸燒酒夜向闌罷琴歸矣我欲眠夢跨水輪出瑤海一  
笑碌碌瀛洲僊

雲際會劉到致中

紅綃千樹桃雪穀萬株李柘葉青青如鼠耳橫山渡口浪  
成堆認得劉郎船子來物情時事不須說且喜新歲同銜  
杯少年鼻哂輕流俗斂銳收豪今碌碌敝裘常帶客塵緇  
雙鬢不如春草綠東風吹愁入我心使成嘯嘆成悲吟問  
君底事久留此曷不聯鑣歸故林

懷舊歌

黃茅生烟暗村落浩歌無復當時樂鄰家酒熟逆鼻香一  
醉乾坤墮冥漠尋芳屢過垂玉軒義魚夜上浮清閣關牌  
擊鼓多伎倆我獨旁觀惟大噓驚烽入座懼難保幸得身  
存他勿道吾宗潛武卧空棺衮臣兄弟埋荒草當時醉舞  
向花下綠鬢朱顏各鮮好隙駒風燭尚須更數子凋零不  
待老死生細事從渠天莫學兒女相哀憐一窓空膝可終  
隱寇盜擾擾今連年王師誅鉏有漏網死灰焰焰猶思然  
憂煎過計祇自惱且但努力耕吾田

夜過王勉仲家宿酒數行爲作此歌

遙林帶雪迷村曠伶俜一馬行無伴故人家住丁坂頭停  
驂邂逅成清款犯寒知我猶空腹地爐然薪架紅玉花瓷  
湯酒欲生香竹外庖厨聞剝肉夫君不有中饋賢咄咄辨  
此何神速酒酣意氣悲荆棘尚憶朱甍舊時宅豺狼得志  
竟何成至今人骨如霜白亂離少有闔門在漂蕩俄驚五



年隔數畝荒田已失耕一間茅屋仍畱客客情主意懼難  
盡短臘窮冬春欲近明朝分手更愁人且覆清觴莫留賸

夏日吟

君不見長安公侯家六月不知暑扇車起長風冰檻灑寒  
雨重欄邃屋晝生陰反易天時在談吐又不見武陵富豪  
見炎天多快意雪穀曳輕明珍饈嚼甘脆蛾眉皓齒發清  
歌灑酒筠枝集蠅蚋何如野客歌滄浪萬事不理心清涼  
流金礫石未爲苦勢利如火焚中腸

海棠洲

煌煌海棠洲錦樹臨清灣常恨灣頭風吹花走潺湲潺湲  
去不息花亦無由還

懷新亭

茅簷入竹低曠野時寓目寂寂農家春新秧滿田綠何時  
稻登場秋山響蓬樸

宴坐巖

青青梳樹林下蔭蒼蘚石幽人宴坐時懷抱忘其適不見  
暮樵歸寒山雨中碧

南溪

聊爲溪上遊一步一回顧悠悠出山水浩浩無停注惟有  
舊溪聲萬古流不去

兼道攜古墨來墨面龍紋墨背識云保太九年奉勅  
造長春殿供御龍印香煤旁又識云墨務官臣庭  
邽監官臣夷中臣子和臣卞等進蓋江南李氏物  
也感之爲作此詩



長春殿古生荆薈猶有前朝遺物在錦囊珍重出玄圭雙  
虬刻作蜿蜒態枯皮剝製弄幾刻斷玦精堅磨不殺吾聞  
李氏據江左文采風流高一代當時好玩不獨此器川往  
往窮奢汰微工選技填御府不惜千金爲賞賚治兵唐推  
英衛精治民漢許龔黃最惜哉取士不知術妙手獨得庭  
邇輩真主驅馳八極中荒王逸樂孤城內汗青得失更誰  
論尤物競爲人寶愛嗟余視此真龔土事有至微猶足戒  
投文欲往吊江流幽魂未泯應慚悔

劉兼道獵

劉侯好獵親馳逐指呼雙犬如奴僕朝衝唐石亂雲來暮  
聽潭溪流水宿何如著鞭走大梁我亦與子同翺翔今年  
獵叛醢彭越明年獵 紀德光

觀二劉題壁

溫其題詩新歷寺落筆風雨驚長林眼高一世常欲罵想  
見掀髯坐巖陰致中題詩新興寺壞壁歲久莓苔侵山僧  
好事亦可喜解誦鳥啼春意淡我來經覽渾如昨玉友金  
昆念離索投林倦翼不同棲况復分飛在廖廓故山終勝  
他山好新交不如舊交樂何况把酒問鷗盟卧聽松風同  
一豁

攜筇

晨起偶無事攜筇出潭川翩翩雙鳧飛宛若導我前林靜  
滴殘雨村深澹寒烟當春足膏澤俯夏餘清妍野溜綠交  
貫山花紅接連雄觀發新奇勝地窮攀緣據石弄驚急班  
荆蔭連卷幽懷脫塵拘如超混芒先向令作興來未必勝



偶然榮觀事多乖，內取樂乃全。他時誰繼遊，此意遙相傳。

橫秋閣

秋山萬尺青，影落杯酒中。登臨豈不佳，寒色見遠空。未忘天下憂，塵起西風。

百花臺

森沈徑易迷，櫛筇為徘徊。何處春光多，時登百花臺。主人澹無情，林花為誰開。

清湖驟雨

快雨不相期，雲湖忽蕭颯。坐久日明簷，繁聲靜中滅。

寄彭子懿

凍岫立高白，曉寒生太虛。閉門翻巾膝，偶見良友書。書中有長句，別懷陳鬱紆。吐鳳詞既絕，續貂理難如。起望新鄉

雲一讀三卷舒，繁思攬中局。賴此豁欲無，鷓鷯有潛化。蓬

麻豈資扶吾人，交義深不恨相見。疎但恐德不脩，心期愧

非初

夜行潭溪，上念仲原致中喬年茂元伯達皆有入山

期以詩趣之

長夏不見雨，祥暑故相病。及茲顛氣回，一夕飛灑併。攬衣

步新涼，宇宙涵清潤。月離南山高，水循雙澗靜。流觀外既

洽，至樂中潛應。緬懷平生友，契濶時光運。石峰許尋盟，有

約殊未定。事紛莽如塵，欲掃那得盡。年衰覺世浮，慮澹知

心勝。良遊莫蹉跎，此小暇即乘興。

讀曾吉甫橫碧齋詩

攜鉏引荒泉，偶步松岡北。令然毛骨清，楚尾見秋色。稻氣



馥初涼檉陰淡微日緬懷小齋居櫺檻增岑寂曠度滅知  
聞微吟數峰碧若人端好修珍駕動無迹深窮伊水源峻  
陟衡山極終焉憩孔林所樂惟自得延和數酌醪侑靜一  
編易向來辱傾輸洞見胷中白息親道匪侔既遠情不懌  
矧余質冥頑固未易刻畫尊生有遐心克已無全力以茲  
畏所知負負常夕惕餘波儻時漸玉汝天其或

同汪正夫行夫望鄱江

夜夢鄱江清曉踏鄱陽縣雲濤著眼新還疑夢中見寒聲  
彭蠡合凍色嶺峰現時方冬氣深水縮川原變連沙突堆  
阜派港分組練蕭蕭蓬鬢風瑟瑟葭叢霰奇觀信幽絕領  
略殊未徧何當烟艇高載我行鏡面二難今勝流賓客移  
清燕飲酣生泰和語妙融交戰衰遲百不堪一快天與便  
回筇晚霽中路壓滄浪轉波光似流人隨裾蕩華絢

呂居仁惠建昌紙被

寒聲晚移林殘臘無幾日高人擁楮眠攀卷意自適素風  
含混沌春煦回呼吸餘溫偶見分來自芝蘭室乍舒魄流  
輝忽捲潮無迹未能澡余心愧此一衾白嘗聞盱江藤蒼  
崖走虬屈斬之霜露秋漚以滄浪色粉身從澣統蛻骨齊  
麗蜜乃知瑩然姿故自漸陶出洽物猶貴精治心豈宜逸  
平生感交遊耳剽非無得精神隨事分內省殊未力寸陰  
捐已多老矣將何及自從得此衾夢覺常惕惕清如夷齊  
鄰粹若淵騫靚獨警發鏗錡邪息戢毫忽勿謂絕知聞虛  
闡百靈集鼎鑪或存戒韋弦亦規失則知君子惠所以勵  
蒙塞



雲巖竹源二禪俱與招客三月二十一日遂飯于竹源庵謀諸野則獲也劉奇仲有約不至吳周寶遊德華劉致中暨公望劉才仲陳聖叔某會焉從容辨論懷抱甚適因賦詩以紀之

雲巖市聲中竹源山色處平生幾兩屐惟樂取意去晨光霽老春飛蓋雙溪路沙平水漫流雲散天全露逶迤經淺坂窈窕穿崇樹綠登方怒舒紅竟忽繁雨斯焉得小休境熟來已屢徵君常主盟呼吸名勝聚子休心鐵石太叔語韶濩鼎吳劉陣俱有不凡度余衰氣不華清遊慚輒與未渠推遠之政以枵然故九賓旣雲集一士乃鴻翁母多溷幽人蔬茗煩草具叢談雜莊謔泛問披黃素豐鑿辨活筆始畫窮真數解衣半日許萬古懷曾膝兩窗引虛明汛灑延晚步嬾身厭依隨靜若超羈馭博山真起予淨煙一枝驚

同范智聞五月十四日夜賞月

微風淨郊原暮色含清夏層巔月欲上炯炯木葉罅豐姿一髮虧爽氣千毫射流光不著地黃林溪西舍翩然釋嶠飛雲浪鱗鱗化常恐螺髻青失此驪珠挂借奇觀天所吝老眼得屢借不嫌神太清踈立高梧下故人宵雷連一笑偶良夜濁醪勿虛杯庭編醉可藉

宿省軒

夜空合一寂擾擾息萬勞幽懷耿不寐孤燈側殘膏稍知山雨來聲在橫林高凄然卻成夢夢泛秋江濤

過報德庵



循溪踏危石路入篔簹塢森森翠橋間一幹橫清雨茶煙  
日月靜石壁軒扉古盡茲北山旁小勝無遺取

次韻茂園獨速歌

大兒行文學蘇黃暗潮無聲走茫茫小兒分題擬前白手  
扶藁願取冰魄自成機杼誰如君悲歌乃有可憐色曉來  
春歸薺葉新青女摧之良不仁那知妙齡氣如許一睨辟  
易驚千人我亦歸爲村衰翁接花成條歛屋紅跣行官追  
蹠躩步杯飲不羨琉璃鐘相逢他事不發語醉而徹日承  
谿風君不見豐碑模糊立峴首又不見總帷虛對百眉侑  
何如吾儕見在身有口猶堪著醇酎陶陶兀兀未全非赫  
赫炎炎豈長有硯峰絕頂撫孤松伊誰及此蒼髯壽

韓幹畫馬闕四足龍眠榻而全之

吾聞兩臂天下重馬失四蹄將底用平生想似萬里迹對  
此惟心惻然動得非曾落駑駘羣蹉脫泥塗良已勤又疑  
逸氣厭拘係絕蹠徑欲超浮雲諦觀事乃不爾劇破練丹  
青老無色軒昂自有尊足存顧盼一株陰山碧韓生筆法  
妙此圖龍眠榻出了不殊斷釐自昔徒聞說續鳧雖工計  
已疎何如染作滄江遠明滅要看追風蹴微雪

寄魏元履

世情事虛文十幅了一書片言到肺腑子獨不佞予班班  
眼中秀學膽誰似渠平生幾兩矯踏破牛斗墟小言謁侯  
門大言叫天都歸來闕存室默坐追亡逋牀頭著韋編盤  
礴萬古初時拈紙上語破的妙有餘已甘酌對難舌本噤  
不舒矧予在半流所見方模糊蝸涎不自潤詎敢相濡濡



人生強多知於已固已疎曉邊遺太極意上町六虛獍猿  
繫尚跳况乃拊檻呼是神非吾神滓穢政可奴嘗聞不遠  
復佩作三字符煌煌杏壇春一枝明清湖蜂蝶未全知佳  
處自不孤惟子先著眼時來採芳腴何當其叩微歸性有  
順塗

新涼

新涼爲招客勝集非預圖前峰雨未散冷風遶吾廬披襟  
沐清駛合席隨霑濡定知喧譁中欲此一快無興來擴以  
酒草具來須臾田翁偶過我添杯坐其隅爲言秋暑劇稻  
畦日凋疎寧辭抱甕勞僅給園中蔬喜茲甘澍足普潤無  
遺墟遙山莽難分綠浪搖虛徐我病不任耕歲收仰微租  
蒙成每自愧一飽便有餘連觴使之醕醉語雜叫呼野人  
無他腸我輩恐不如

吳傅朋游絲帖歌

園清無瑕二三月時見遊絲轉空濶誰人寫此一段奇著  
紙春風吹不脫紛紛糾結疑非書安得龍蛇如許癯神蹤  
政喜縈不斷老眼只愁看若無定知苗裔出飛白古人妙  
處君潛得勿輕漠漠一縷浮力適可望千鈞石睠予弟兄  
情不忘軸之遠寄悠然堂謝公遺鬢凜若活衛后落鬢搖  
人光翻息長安夜飛蓋醉哦聲落南山外亂離契濶三十  
秋筆意與人俱老大政成著脚明河津外家風流今絕倫  
文章固自有機杼戲事豈足勞心神

傅朋王逢源外甥也

病中賞梅贈元晦老友

梅邊無與談賴有之子至荒寒一點香足以酬天地天地



亦無心受之自人意韜白任新和風味要如此

過鄴中

逐鹿營營一夢驚事隨流水去無聲黃沙日傍荒臺落綠  
樹人穿廢苑行遺恨分香憐晚節勝遊飛蓋尚高情我來  
不暇論興廢一點西山入眼明

望楚

客浦舟凝滯凭高識楚鄉有愁關眺覽何地不淒涼草木  
詞人怨江山霸主亡悠然獨搔首暮靄一星光

井泉

石井水濺濺寒莎映碧鮮雨聲添溜急天影入波圓曉汲  
連山寺春耕潤野田杖藜三嚙罷毛髮更蕭然

巖桂

涼颼振遠村寂寞度清芬山路不知處月窓時夜聞孤根  
寒抱石落子半飄雲袖手空延佇無才可賦君

新灣

苒苒寒生水面煙吳歌唱罷月微偏停橈又向灣前宿一  
夜西風浪打船

泮堤

參差歌吹動離舟宮女張帆信浪流轉盡柳堤三百曲夜  
橋燈火看揚州

天迥

天迥孤帆隱約歸茫茫殘照欲沈西寒鷗散亂知多少飛  
向江頭一樹棲

銅爵



金碧銷磨瓦面星亂山依舊遶官城  
路人休唱三臺曲臺上而今春草生

中渡

渡南渡北是長亭沙上行人立馬情  
回首若無煙樹隔只應猶望見高城

江上

江上潮來浪薄天隔江寒樹晚生煙  
北風三日無人渡寂寞沙頭一簇船

雙廟

無復連雲戰鼓悲英風凜凜在雙祠  
氣吞驕方張日恨滿孤城欲破時  
幽鳥自啼簷際樹夕陽空照路傍碑  
平生不作嵒韋意倚棹哀吟兩鬢絲

安仁道中

汨汨復汨汨著鞭雞一號老身緣底急  
長路只徒勞石亂春溪惡山溪曉月高  
村沽得微醉猶足張餘豪

酴醾

顛風急雨退花晨翠葉銀苞照眼新  
高架攀緣雖得地長條盤屈摠由人  
橫釵數朶開猶小撲酒餘香韻絕倫  
唯有金沙顏色好年年相伴殿殘春

海棠花

幽姿淑態弄春晴梅借風流柳借輕  
刺種直教圍野水半開長是近清明  
幾經夜雨香猶在染盡煙脂畫不成  
詩老無心爲題拂至今惆悵似含情

策杖



策杖農家去蕭條絕四鄰空田依壠峻斷藁布窠勻地薄  
惟供稅年豐尚苦貧平生飽官粟愧爾力耕人

疊嶂

益遣歸心快愁霖喜乍晴樹陰迎馬合波影照人清不見  
雲山路時聞樵斧聲暮雲偏自急相伴隔溪行

野步

野步忘歸遠春心不自休管弦非老伴風雨定花髻柳暗  
淡淡路溪寒小小樓謝娘歌白紵此意可忘憂

送原仲之荆南

風急塵埃滿漢關送君行處路漫漫不知爭戰幾時定常  
恐別離相見難三逕舊游松竹老五湖新隱水雲寬交朋  
日覺知音少綠綺從今莫浪彈

景陽鐘二首

景陽鐘動曉寒清度柳穿花隱隱聲三十六宮梳洗罷却  
吹殘燭待天明

一刀殘月淡觚稜遙望林梢曉色升寂寞小簾風露冷玉  
盆脂水已生冰

泊舟

莽莽荒茨岸回回亂石灘雨寒收市早風急泊舟難寓縣  
兵猶鬪乾坤網正寬慙懃囑龍劍莫久卧波瀾

次韻張守壺山詩

松根繫馬望噴岬乘興攀躋不作難日出漸看林霧散潮  
來先覺海風寒遙連釣石多紅樹半出僧垣盡綠竿不見  
雙旌來視稼憶君對酒豈能歡



莫田

打麥蓬蓬響莫田兒童拾穗笑爭先市頭米價新來減一  
醉瓮甌五六錢

途中

小市猶依海橫橋欲跨汀雨餘榕徑冷春晚芋田青薄宦  
低豪氣浮生惜壯齡急流歸亦好憂患飽曾經

次張守韻二首

促席山堂夜寒燈吐碎金酒分鄰甕美粟爆地爐淡疎嬾  
難堪事紛華易壞心自憐貪寸祿雙鬢老侵尋  
瓦白霜封縞波清月漾金析沈秋壘靜人語夜堂淡故國  
歸何日寒衾事滿心庭松憐手植擢幹已彌尋

悼李奉

選拔由親衛時危遠出征氣驍嘗忽敵身歿始知名故妾  
辭空帳殘兵隸別營傷心豺虎窟冒險爾何輕

次韻陳成季郡會

疾雨狂風恨若何芳晨坐覺等閑過惜花意欲春常在對  
酒年來飲不多雅會欣聞珠履集新詞好付雪兒歌風流  
閣老推前輩喜客溫顏似醉醜

出郊

路轉囊山北扶輿憶舊過乾坤征戰久游宦別離多瘴樹  
餘紅葉春江又綠波平生豪橫氣未老半消磨

偶書

風急塵暗九州岸中長嘯一登樓故園却憶桐孫在薄  
宦端爲荔子留湖海以南兵尚鬪不死禍難休似聞



推轂皆飛將盍有清談謝傳流

與原仲至交溪橋

倦憩春橋午回環翠碧重亂溪流背海新柳色欺松厭市  
常思野爲官不及農喜逢湖上客談話得從容

春望

杳杳盡寒色乘高望更迷曉晴山氣上春漲野橋低幽鳥  
啼無伴閒花發欲齊幾多沉寂景醉筆爲提撕

北風

雁起平沙晚角哀北風回首恨難裁淮山已隔塵斷汴  
水猶穿故苑來紫色蠅聲真偏強翠華龍袞暫徘徊廟堂  
此日無遺策可是憂時獨草萊

原仲溫其彥藻彥符致明集敝廬

清樽勸客且留連亂後相從亦偶然三徑生涯鄉社裏一  
秋心事菊花前向來憂喜皆陳迹老去光陰逐斷弦懷抱  
故人今有幾只因情話可忘年

宿雲際偶題

穀雨都無十日間落紅棲草已斑斑曉烟未放屋頭樹春  
漲欲浮天際山翠蓋縈風沈遠坂漁舟驚浪落前灣鐘聲  
認得林邊寺歲歲籃輿獨往還

客路

客路經春雨淹留未得歸徑泥黃染屨林霧白侵衣直氣  
何由吐愁心只欲飛東風如解事吹夢落漁磯

哭呂倅

瞑目荒山裏攜家萬里來旅塋猶借地兒哭不勝哀裂甕



妖難測藏舟事可猜大賢應有後天道信悠哉

秋意

又見庭梧一葉飛物華心事兩差池百年未半老相逼四  
序平分秋獨悲過岸山川雲漠漠殘燈院落雨絲絲客懷  
料理須杯酒哭向窮途定是癡

屏跡

屏跡山樊避世喧晚風落日靜柴門寒泉遶竹通幽圃小  
徑穿田入別村散策微吟霜葉脫釣簾安坐碧雲翻閒中  
興味知何晚絕口名途不更言

絕句二首

目送孤鴻獨倚樓晚風吹淚更橫流萋花落處蠻烟碧六  
十三程是白州

竹遶茅簷水遶階東風漸欲放春回丁寧紅紫休爭發待  
取山南刺史來

寄蜀

有客傳歸信愁懷得暫寬兒童占鵲喜鄰里借書看離蜀  
秋方半浮湘歲欲闌柴門頻灑掃夢想見征鞍

野墅

野墅驚秋晚殘年忽忽過海潮通井淺林日到窓多酒盡  
鄰翁餉詩成稚子哦人生行樂耳軒冕奈余何

汴京紀事二十首

帝城王氣雜妖氛何知屢易君猶有太平遺老在時  
時洒淚向南雲

玉璽相傳舜紹堯壺春堂上獨逍遙唐虞盛事今寥落盡



卷清風入聖朝

聖君嘗膽憤艱難雙蹕無因日問安漢節凋零地澗北  
州何處是通汗  
朝廷植黨互相延政事紛更屬紀年曾讀上皇哀痛詔貴  
躬猶是禹湯賢

聯翩漕舸入神州梁主經營授宋休一自

來飲馬春

波惟見斷水流

內苑珍林蔚絳霄圍城不復禁芻蕘舳艫歲歲衝清汴纔  
足都人幾炬燒  
空嗟覆鼎誤前朝骨朽人間罵未銷夜月池臺王傅宅春  
風楊柳太師橋

御路丹花映綠槐曠曠日照五門開吾皇欲與民同樂不

惜千金築露臺

神霄宮殿五雲間羽服黃冠綴曉班詔許羣臣親受籙步  
虛聲裏認龍顏

宮娃控馬紫茸袍笑撚金丸彈翠毛鳳輦北游今未返蓬  
蓬良嶽內中高

篤葶清香步障遮並桃冠子玉簪斜一時風物堪魂斷機  
女猶挑韻字紗

萬炬銀花錦繡圍景龍門外軟紅飛淒涼但有雲頭月曾  
照當時步輦歸

雲芝九榦麥雙岐盍有嘉生瑞聖時玉殿稱觴聞好語時  
教張補撰宮詞

橋上遊人度鏡光五花殿裏奏笙簧日曛未放龍舟泊中



使傳宣趣鄆王

天廡龍媒十萬蹄春池蹴踏浪花飛路人爭看蕭衙內月下親調御馬歸

盤石曾聞受國封承恩不與幸臣同時危運作高城破猶解拍軀立戰功

梁園歌舞足風流美酒如刀解斷短愁憶得少年多樂事夜深燈火上樊樓

倉黃禁陌夜飛戈南去人稀北去多自古沙埋皓齒不堪重唱蓬蓬歌上蓬字上聲

河漢如雲掃沈寥登東寒鐵響清宵竹窓驚破高人夢門外駸駸萬馬朝

輦轂繁華事可傷師師垂老過湖湘縷衣檀板無顏色一曲當時動帝王

題將軍巖

昔年棲險人何在髣髴樓臺杳靄間事去長空飛鳥沒時清宴坐一僧閒霜秋石壁黃金樹月夜雲濤碧玉灣杖策時來訪奇絕漁樵幽興自相關

訪原仲山居

寂寂臨湖屋湖風爲掩門鳥聲幽谷樹山影夕陽村好事長畱客雖貧亦置樽平生枯淡意去此欲誰論

有懷十首

滿空寒雨雜飛煙湖上先生擁褐眠借問茅齋客客否夜燈相伴讀韋編胡原仲

結茅同隱水雲間何日柴車不往還憶得松林長嘯罷歸



時明月徧秋山 劉溫其

山空墜石咽寒溪雨濕浮雲晚更低不見蕭屯劉處士年清夢遶瓜畦 劉致中

當年冊府仰才華一跌青雲萬里賒白首却來蓮社裏幅中緇褐誦楞伽 鄭向明

風驚枯葦白花浮欲下橫橋晚更留惆悵不逢吳季子一溪寒水帶烟流 吳公路

青錢學士妙文章便合含毫侍帝傍寂寂岡山餘舊隱憶君時到讀書堂 張巨山

松底柴門盡日關主人西去幾時還長鑱委地黃精老時有寒猿嘯硯山 傅茂元

馬蹴浮埃去路長相逢端欲問行藏未饒赤壁風流在且向何家醉碧香 周元仲

翁侯滿腹是精神三謁金門計未成却跨蹇驢游雪上秋風雄劍匣中鳴 翁德功

曾訪高人上翠峰至今清興逐松風籃輿夢想行山處白葛花開細雨中 密庵

送六四叔之茶陵

底用怱怱便據鞍離觴縱滿不能歡瀟湘萬里客愁遠鴟鳩一聲春事闌此去宦遊當益顯時來功業自非難似聞幕府資奇畫好借雄風弄羽翰

同詹明誠傅茂元游晞真館有詩因次其韻

橘柚垂紅古觀秋歸途邂逅得尋幽晴沙散策隨山遠夜月回船信水流勝處無詩端可恨它時有酒更來游相陪



二妙平生友老矣襟期其一丘

邃老寄龍涎香二首

瘴海驪龍供素沫蠻村花露挹清滋微參鼻觀猶疑似全  
在爐烟未發時

知有名香出海隅幽人得得寄吾廬明窗小燕跣坐更  
覺胃懷一事無

次韻溫其元日詩

曉來飛雨挾風顛洗出韶容換故年花動一紅明屋角山  
寒亂碧到樽前病如夜鶴孤還警老似春蠶飽卽眠賴有  
故人開寂寞錦囊詩句許時傳

次韻熊叔雅七言

只今飄蕩賈長沙來往三山躡絳霞馬上新詩猶憶友枕  
邊幽夢不離家風驚枯葦連汀雨霜着寒楓滿樹花却記  
梁園都識面干戈豈料落天涯

謝劉致中瓜

萬言不直一杯水才似謫仙良可嗟顧我小詩偏發市年  
年博得蕭屯瓜

分茶公美子應預爲白曬之約

夢裏壺山尋二妙不因荔子髣絲華聊分茗盃應年例故  
有筠籠來海涯鮮苞尚想妃子笑槁面何取西施羶老饒  
惟作耐久計一瞬紅紫真空花

致中招原仲游武夷

病暑冠裳與體忘一屢幽僻得深藏微風時度澗光活殘  
日忽無山氣涼但想子綦方隱几終慚南郭謾連牆何時



九曲尋幽事船尾應須著漫郎

同才仲入山有懷奇仲

客至那容嬾牽筇入翠羅山光知雨過野色見秋多妙語  
時相奪微吟只自哦吹埴來獨晚此日恨如何

次六四叔青字韻

寫出吳中勝平生歷歷經路窺烟渚靜山入柁樓青老氣  
何由逸奔暉不宥停北潭搖夢否綠面照軒櫺

時中良弼茂元慎儀集水閣

水色兼山影漂搖小閣西風來幽囀活雨過萬紅低炯炯  
杯中趣喧喧枕裏迷新年一聲笑四友在潭溪

寄張子平

老矣張平子飄零客此州清樽如有伴白髮不知愁雨燕  
稍簾八風花擁檻浮夢中家在否歸興莫悠悠

晚飲

招提聊駐屐却去白雲堆老眼看山倦餘懷向酒開晚涼  
微雨送秋意一蟬催醉裏揮犀妙方知有逸才

寒次韻長汀壁間

竄鼠驚殘夢蕭蕭老屋虛風聲傳遠瀨寒意入秋蔬客路  
漂搖入歸身憔悴餘西窓滿殘照鬢似吾廬

至節日建州會唐士元



次六四叔青字韻

點計人龍良漸軒籍西窓漸爽照美清以吾靈  
寫屏蠶發與蕭蕭步呈靈風簾動意幽人好燕客出

次韻身不整間慎儀集水閣

燈雨送秋意一鞭勤籍東賦畢此衣賦下豈木紅低烟柳  
豈豈柳堪與味去白雲壯步眼香山對斜對向西開御京

御燈于平

蘇兼八風其難謝我夢中家豈否補典莫愁愁知愁雨

韋齋詩鈔

四七

朱松字喬年號韋齋新安人文公朱子其嗣也第進士  
除秘書省正字建炎紹興間詩名藉甚聞河南程子之  
學捐棄舊習朝夕研討久而深有所得趙鼎督川陝荆  
襄招為屬不就鼎再相除較書郎歷度支員外史館較  
勘司勳吏部郎秦檜主和議上章極言其不可檜諷御  
史論其懷異自賢出知饒州未至卒

至節日建州會詹士元

嗟予身百憂佳節過恹恹客愁隨綫增歸思與灰動當年  
從子日未覺百慮重高堂遶牀呼一擲有餘勇那知客天  
涯相對寒骨聳歲月增幾何鬢絲今種種忍饑山藥煮附  
煖地爐擁滾藏斷還往衰病脫拜拱與言望鄉關雲物方



鬱滃空餘相屬意，盃酒久不捧。

寄題叔父池亭

一壑久藏勝，數椽忽開亭。方塘蔭瓦影，淨見魴鯉行。主人有嘉招，轉柁失高城。不知幾搖兀，杙舟上崢嶸。尊酒酌芳深，園蔬煮柔青。翩翩射鴨弓，一笑翻綵翎。那知海陬姪，斗粟忘歸耕。餘生信萍梗，歸夢識林垌。漲水有回波，故鄉豈無情。一醉會有日，因之濯塵纓。

考亭陳國器以家釀餉吾友人卓民表民表以飲予香味色皆清絕不可名狀因爲製名曰武夷仙露

仍賦一首

二年飲水閩中村，忽見玉醴傾蠻尊。消消醍醐灌熱惱，耿耿沈瀼明朝暎。早塵久漲城市暗，渴夢欲挽江湖吞。何人

遠致雙鯉信，知我來扣羅雀門。不須邀月已清絕，尚恐巖齒齒當微溫。要從華池汲真液，豈獨玄髻薜愁根。微芒已識投轄客，媚似返當墟。魂奇功誰續，伯倫頌妙意。要與淵明論，胷中我自涇渭筆。下君已傾崑崙詩，成寄與約他日飲君與我空瓶盆。

久旱新歲乃雨

高田土可簾，下田不受犁。遺蝗憂插塚，况乃麥未齊。赤子天自憐，溝壑忍見擠。雨逐新歲來，停雲忽淒淒。莫辭三日霖，爲作一尺泥。汪汪旣沒膝，濼濼仍拍隄。漸看簞笠出，笑語喧畛畦。我欲與寓目，父老同攀躋。此身羣萬生，擾擾舞甕雞。曾亦無幾求，脫粟配羹藜。永言故隴耕，老眼路淒迷。好收斂版手，鋤耨歸自攜。



蔬飯

蕨拳嬰兒手筭解籜龍蛇薦羞杞菊開采斲煙雨外嗟予  
飯藜藿咽塞舟泝瀨朝來二美兼一飽良已泰充腸我誠  
足染指客應慨平生食肉相蕭瑟何足賴王郎催牛多韓  
老憶鯨鱠俠氣信雄夸戲語亦狡獪我師魯顏子陋巷翳  
蓬艾執瓢不可從一取清泉酌

戲贈吳知伯

條侯得劇孟吳楚坐可馘我知無能爲失此一敵國偉哉  
奇男子俠氣橫八極書生復何者翫麟老筆墨刺口論安  
危事往竟何益匹夫嘯空野驚塵一方塞區區空有意浩  
蕩先鋒鏑何如吳王孫語輒面浮赤交遊得朱亥負販鄙  
膠鬲腰間鐵絲箭上鏃紫塞翻笑指蛇豕區滅此而後食  
諸公未備知欲薦恨無力明日我過君烹牛呼社客當書  
游俠傳令子姓名白

十一月十九日與仲猷大年綽中美中飲於南臺

空山欲雪雲冥冥玉梅半開吾眼青此身垂欲走塵土聊  
復舉酒看崢嶸折腰向人不知恥故園可鋤在千里金昆  
石友一開眉珍重道人相料理楚江東岸先人廬竹君安  
否久無書歸歟何時應白首我食吾言如此酒

送志宏西上

九州眼一槩餘子真瑣瑣嶽立培塿中喜此高岷峨如公  
我輩人取友亦到我揮毫賦垂天風雨卷蓬顆相期八表  
遊未覺夙心左解龜醉江閣酒面山月墮起瞻帝鄉雲感  
嘆不成坐何須飛霞佩自辨凌風舸瀛州渺溟渤萬里一



蘇軾詩寄天涯秉燭對新火那知市門仙斗祿事么麼  
空餘腸九迴上疏何日果

寄陳陷元

我生少所可靡靡世一律如君素心人指不三四屈久與  
宵人遊歸卧常自失效尤起媮心阿意增美疾低回強酬  
酢高論形敢出緬懷叅同子蚤入伊洛室聞道旣先我論  
詩又奇崛縱橫談天口卓犖扛鼎筆勝我何足云論交敢  
自必桓公宥見規寡過行有日書來約過從一笑破蕭瑟  
新涼宜燈火永夜勘書帙豈無一尊酒少促軟語膝更呼  
小叢歌未怕官長詰跂予占騎氣千嶺秋回鬱着鞭及清  
境濼濼月華溢

月桂花

窗前小桂叢著花無曠月月行晦朔周一再開復歇初如  
醉肌紅忽作絳裙色誰人相料理耿耿自開落有如貧家  
女信美乏風格春風木芍藥穠艷傾一國芳根維無恙歲  
晚但枯枿

茱菊

海上作重九菊揉青蕊香近墟買茱萸枯顛出藥囊兒曹  
記土風歉事祈禳老夫未免俗聊爾答風光災祥理不  
僭此柄孰主張譌言眩未俗吾欲案長房

吉貝

炎海霜雪少畏寒直過憂駝褐阻關河吉貝亦可裝投種  
望著花期以三春秋茸茸鵝毳淨一一野繭抽南北走百  
價白氎光欲流似聞邊烽急綠江列豨豨裁襦襯鐵衣愛



此溫且柔天乎未厭亂利厚人益輸誰知海濱客獨歎無人酬

餽歲

歲晚追土風獨甕誰與佐人心感流光臺餽屏奇貨鷄豚取牢柵門戶隨小大去鄉二十年憶此但愁卧兒癡元未識但索梨飢坐何時醵識村莫作驢轉磨不須志四方教子求寡過歸哉及強健老去煩劑和

別歲

舊歲已趣駕爲我不少遲凡心畏增年而歲豈容追丈夫有夔屈牢落天南涯收功英妙年豪傑彼一時寧當如秦越坐視瘠與肥隣翁意誠厚酌酒寬愁悲慙慙何時忘祝我致好辭撫世非吾事諸公正扶衰

守歲

庭燎夜未央旌旗煥龍蛇九門一放鎖萬馬誰能遮亂離憶舊事安眠夢無何目眩燈燭光坐厭兒女譁念此亦土風雖癡不容撾更爲盧白戲紛爭起橫斜故歲不足計新歲莫蹉跎努力誦書史從人笑翁誇

送沈昌時赴寧海令兼叙別

午潮平處落歸帆已覺離情兩不堪轉手便成千日別悲歌聊倚一盃酣波翻別壑聞車水青遍柔桑趁浴蠶歸路春濼風日美伴誰操筆賦幽探

西湖泛舟

望湖樓下照衰顏羞見塵埃兩鬢斑風艇縱看山轉側烟堤儘逐水回還喚人歸去城鐘急觸處相親嶺月彎不用



新詩摹絕境定知長到夢魂間

贈言命張生

俛仰塵埃的自羞稍看寒餓復誰憂小兒造物巧相戲窮  
鬼逐人殊未沐我所不知煩子算世如無取更何求服箱  
挹酒真公麼那用區區問斗牛

贈僧

知有叢林特地過幅巾迎笑出巖阿杖藜同覓牛羊路濯  
足來分鷗鷺波豈不倦遊貪斗粟坐令歸思動漁蓑他年  
會有相逢日稍食吾言聽子呵

寒食

粥冷春餚凍泥開臘酒斟故鄉空淚滿華髮正愁侵山暝  
雨還住煙孤村更深誰知江海客浩蕩濟時心

答卓民表送茶

攪雲飛雪一番新誰念幽人尚食陳髣髴三生玉川子破  
除千餅建谿春喚回窈窕清都夢洗盡蓬蓬渴肺塵便欲  
乘風度芹水却悲狡獪得君真

和人遊仙峰庵

千巖萬壑翠縈回一洗衰翁病眼開落日多情留別嶺秋  
空無地着浮埃雲閣出岫初無意松老參天豈願材我是  
散仙君記取更鞭鸞鳳少徘徊

蘆檻

手斲修蘆着檻栽使君公退幾徘徊想當風雨翻叢急疑  
卷江湖入座來未辨松窗眠綠蒲且將屐齒印蒼苔種成  
桃李人間滿應念孤根首屢回



董邦則求茶軒詩次韻

一軒新築敞柴荆，北苑塵飛客思清。更買樵青娛晚景，便應盧老是前生。千門北闕夢不到，一卷玉杯心自明。冷看田侯堂上客，醉中談笑起相烹。

送仲猷北歸二首

一丘曾次有餘師，空此淹留歲月遲。黃墨工夫憐我倦，筆瓢風味要君知。新詩落筆驚翻水，俗學回頭笑畫脂。伊洛參同得力句，還家欲舉定從誰。  
欲尋當日故山盟，身世今如海一萍。歸路上心真了了，愁根入鬢已星星。挽衣共酌東西酒，折柳送行長短亭。念我知君回首處，萱叢菖葉一時青。

寄吳致一

相逢一笑兩忘懷，夢遶親庭首重回。世事難磨三尺喙，離愁都付一分杯。秋生林薄歲時晚，水落江湖鴻鴈來。賸作新詩頻寄我，天涯時對兩眉開。

四月十五日上元道中

亂山身逐簡書來，梅子黃時雨未開。一葦橫斜風葉度，千灘聒聒雪城催。危機種種那容避，俗駕駸駸底未回。聊復浮遊隨造物，故園回首思悠哉。

送黃彥武西上

門揜蓬蒿氣浩然，西風筆勢更翩翩。未忘大學藝鹽味，時說定林文字禪。蘆風光傾上國槐，花心緒記當年里門。歸日車應下置酒，遲君沉水邊。

書室述懷奉寄民表兄是日得民表書



丈室無塵斐几橫更休鳧鷖散無聲舞風竹影傲傲轉榮  
夢鑪香嫋嫋清已笑榮枯盧白戲不須物我觸蠻爭故人  
剪燭西窗約知得何時話此生

答人雷別之什

家在大江東復東去君一舍碧流通那知臨水登山處同  
寄飛蓬斷梗中愁絕盃中千里月夢策江上一帆風只今  
且作須臾意更典雲裘醉小漿

次韻李堯端見嘲食蔗

真人官府未資緣且向龍山作散仙春入燒痕催采蔗雨  
翻泥隴憶歸田疏腸我若枵蟬腹詩格君如擊鷲拳筋下  
萬錢謀更鄙諸公飽死太官糲

送友牛

剝喙門前久未噴定知我輩不羈人午窗喚起夢魂好一  
語便知風味真身嬰世網坐營口心識醉鄉慵問津忽先  
秋燕背人去四角何由生客輪

贈范直夫

將軍競病詩成處南浦春歸蘭玉叢漸減心情身老大久  
垂談笑路西東鄉關落日蒼茫外樽酒寒花寂歷中且與  
寓公同放曠浩歌相屬倚秋風

招友生

雨收天氣欲清明猶有餘寒在粥飭馬隊客勤貪晝永鱸  
堂人病想身輕讀書有味齏鹽好對境無情夢寐清欲話  
此懷須我輩一來蠟屐伴春行

寄江



龍卷風雲一髮端不妨聊作侍祠官高情未許羣兒覺萬  
事何須正眼看問道從公春信近談天容我酒盃寬乘桴  
亦有平生意回首紛紛行路難

次釗彥仲傅茂先韻

強蹋府塵從傅子立談江閣識釗郎一尊此地見眉宇十  
載相思成鬢霜秋燈煜煜照情話夜浪翻翻吹客牀投名  
徑入農圃社老矣不夢天門翔

次張演翁林元惠韻

朱門小駐使君車二老風流入畫圖但有觥籌供笑語從  
發歲月上髯鬚詩成華燭畱殘蠟客醉高歌叩缺壺更起  
爭碁誇得雋不應局蹙守邊隅

太康道中

一色春勻萬樹紅坐愁吹作雪漫空誰知榆莢楊花意只  
擬春殘卷地風

燈夕時在泗上五首

燈花作意照歸人短棹扁舟寂寞濱帝力如春蘇萬物遙  
知太一不威神

雲窗月檻仰乘輿俯看香車出繡襦九陌人人歌帝力不  
須微服過康衢

鸞駕翩翩馭晚風積蘇宮闕夜濛濛明朝遣覓鐵如意應  
在涼州酒肆中

我欲安心未有方至人遺跡已茫茫自非窳堵波中老誰  
直先生一瓣香

我觀世界只兒嬉一戲相從更莫辭綺語未忘餘習在明



朝與和紫姑詩

鈇山僧齋假山

擘開華嶽三峰秀，疊就層峰數石寒。等是世間兒戲事，道人莫作兩般看。

石門寺四首

橘刺藤稍罨客衣，直緣微祿得奔馳。懸知投老歸田味，只似登山困睡時。

行穿蒼麓瞰平岡，踏破青鞋到上方。城市紛紛足機穽，却從山路得康莊。  
林棲相喚出幽谷，我亦欲起天未明。枕中泱泱響山溜，一似荒城長短更。

真功那復歎蒸沙，靜笑飢腸日夜譁。老褐不須供茗粥，朝

餐吾已辦丹霞。

以研墨送盧師子

明窗子石濫松腴，萬卷盧郎正要渠。何似黃梅碓下客，夜翻半偈倩人書。

春晚二首

梅子生仁柳絮催，春風塵跡只蒼苔。繁華一夢年年事，長是初鶯爲喚回。

客路歸來芳節闌，杖藜隨處小盤桓。危紅數點藏深綠，須作春風爛熳看。

宿石龍寺

觸處爲家底是歸，浮生南北未忘機。道人身似南枝鵲，更盡秋宵一再飛。



寄人

西山相對卧寒齋耿耿思君不滿懷  
比似持雲來寄我何如君自作雲來

勻道人之玉山戲作小詩送之

道眼無塵萬景隨滄江秋色入新詩  
歸時人問江南好只道君行到自知

南浦小詩迎勞二弟

健碧倚天無數峰眼前渾似故人逢  
問來識面知何處應在頤齋詩卷中

和幾叟秋日南浦絕句簡子莊寄幾叟

兩翁相對語更闌想見風生席石間  
詩就南枝三轉鵲樽前秋月半啣山

稟凜臞仙千載人當年許卜一枝隣  
天高鬼惡堂堂去誰識渠儂不壞身

不見陳公歲又除七峰溪處食無魚  
終煩指似龜山路會使人疑得異書

風雨交交耿夜燈天涯兄弟對牀聽  
莫嫌詩作江南語一夢家山眼亦青

書永和寺壁

胷中一壑本超然投跡塵埃只可憐  
斗粟累人腰自折不緣身在督郵前  
來解征衣日未斜小軒泉竹兩清華  
道人恣力真無礙解遣龍孫吐浪花

九日送僧歸龍山



九日相攜積翠中勝遊兼有道林同枯顱一任君披拂寄  
語龍山落帽風

牛尾狸二首

壓糟玉面天涯見琢雪庖霜照眼明投筯羞顏如甲厚南  
山白額正橫行  
物生甚美世所忌吹息雪中成禍胎湯帆卯盃頻下筯江  
南歸夢打圍來

洗兒二首

行年已合識頭顱舊學屠龍意轉疎有子添丁助征戍宥  
令辛苦更冠儒  
舉子三朝壽一壺百年歌好笑掀鬚厭兵已識天公意不  
忍回頭更指渠

雜小詩八首

身將雙影背閩山伴我江南去又還欲寄道人簷下宿此  
身都未似雲閑

俗學回頭笑畫脂我今羞悔子何疑恐輸靈運先成佛莫  
學湯休苦覓詩

松風十里客襟涼路人江南選佛場欲問道人三世事樓  
鐘重聽未應忘

江南風物略知津便覺詩成筆有神不向九江看五老故  
應猶未是詩人

紛紛襍穢久相忘只憶僧齋畫夢長珍重道人畱客語君  
家無比北窗涼

門外山光萬里濃且將寥落共清風箇中自有濠梁意不



用磨刀斫眼紅

道人鋤斧得從誰無復當年隻影隨笑我不求千戶郡坐

知成佛更難期

避世山中祇樹亭綠陰遶舍忽青青拋書自笑爬沙手要

挽天河洗甲兵

立春日雷

陌上冬乾泣老農天雷甘雨付春工阿香急試雷霆手莫

放人間有卧龍

送輝雲際二首

三日雨行來欵關篝燈相語雪羸山低回俗裏未能免只

有對君非強顏

認取芝峰鉢中影要君歸去首重回相思手折寄千里想


有南枝迎臘開

題范才元湘江喚舟圖用李居仁韻

天涯投老髯驚秋夢想長江碧玉流忽對畫圖揩病眼失

聲便欲喚歸舟





尊則於此觀世

天賦姓步得黨林夢思身以學王教念謹畫圖帶錄耶夫

醜哉卜示附云與此圖用率與二節

下南於此觀開



